

DE MORTE 4

CAVSSA PARTVS  
MEDICA QVIDEM  
DISPVATIO

SED FORENSIBVS NEGOTIIS  
tractandis necessaria.

Auctore  
MARSILIO CAGNATO.



ROMÆ, Apud Aloysium Zannettum. MDCII.

---

*Superiorum Permissu.*

D. E. M. O. R. T. E.

C. A. V. E. R. T. A. T. A.


M. E. D. I. C. I. N. A.

D. I. S. S. E. R. T. A. T. I. O.

A. U. T. O. R. I. S. M. A. G. I. S. T. R. A. T. I. S.

A. U. T. O. R. I. S.


M. A. R. S. I. L. I. O. C. A. N. O. N. A. T. O.



A. U. T. O. R. I. S. M. A. G. I. S. T. R. A. T. I. S.

A. U. T. O. R. I. S.

D E  
MORTE CAVSSA  
PARTVS DISPVTATIO  
AVCTORE  
MARSILIO CAGNATO



**I**N contractibus societatum ab officio no-  
men habentium (quod est tam frequens,  
quam Vrbi Romæ, & Romana curia  
peculiare) si vita mulieris alicuius no-  
minata sit, illius periculo, qui pecuniam  
commodat, ea solet exceptio apponi; dum neq; ex partu,  
neque causa partus moriatur; eaq; de causa sæpe Me-  
dici requiruntur, qui cognoscant, & iudicent, Vtrum  
mulier ex huiusmodi causa interierit. Itaque non erit  
minus vtile, quam iucundum inuestigare, & definire,  
quæ nam mulieres dici debeant ex partu, & causa par-  
tus decedere. Et quia magna est partus, & gravidita-  
tis coniunctio, atque cognatio, & solet in eisdem con-  
tractibus exceptio graviditatis adhiberi, & par vtrius-  
que ratio videtur esse, de graviditate quoq; differetur.

Videtur autem in primis statuendum,

Vtrum partus & graviditas censenda sit res natu-  
ralis, an præter naturam, namque, hoc ignorato, non

A 2 potest

poteſt vere , de firme id, quod proponitur , deſiniri .

Grauiditas  
videtur mor-  
bus.

Quę igitur mulieres vterum geſtant , neque non ea,  
quę pariunt, vel peperere, tot affliētantur laboribus, tā  
quę grauiā patiuntur , vt videri poſſit vtraque res  
præter naturam . Sane conſtat , grauidis caſus eiufmo-  
di euenire, cuiuſmodi paſſim exercere ſolent ægrotos, hor-  
rores ſcilicet, faſtidia, abſurdarum rerum appetitionem,  
vomitiones , doloresque varios , & febres ipſas : quę,  
ſymptomata à Græcis dicta , morbum vt umbra cor-  
pora (trita ex Gal. ſimilitudine lib. de ſymptomat. differ.  
c. 1.) comitantur. quāmobrem grauiditas morbus qui-  
dam videri poteſt , à quo ſæpe mulieres interficiuntur .

Partus vide-  
tur morbus.

Sed & partum ſæpe caſus ſequuntur grauiffimi, &  
mors ipſa alias dum pariunt , in ipſo ſcilicet partus ar-  
ticulo , alias ſimulatque peperere , alias ſerius . ſolent  
autem puerperis accidere purgationes immodicę , vel  
nullę , vel non pro natura modo , item febres , dolores  
ad vterum , ad lumbos , ad corpus vniuerſum, vlcera,  
& apoſtemata, (vt à medicis dici ſolent) quę ſequitur  
animi defeſſio, & nonnumquam interitus . Nec deſue-  
re , qui diſerte, & palam docuerint partum eſſe mor-  
bum, vt Aponenſis Conciliatoris diff. 106. ex Auicenna  
vi. 3. tr. 1. c. 2. quoniam eſt cuiuſdam articuli magna,  
& ſingularis diſiunctio . itaque & in ægris puerperis  
decretorios dies nonnulli dicebant obſeruandos in ita ra-  
tione à die ipſo partus , non à die febris , ſtatuentes fe-  
brē illam eſſe partus veluti ſymptoma. Hipp. autem, tā  
grauiditatem, quā partum, docuit, ſtatis dierum perio-  
dis

dis perinde atq; morbos iudicari. Sed noui etiā quosdā In-  
risconsultos existimasse pregnantem mulierē agrā esse.

Verum ē contrario grauiditatem, & partum res es-  
se naturales, & natura consilio congruenteis, debet ea-  
rundem finem considerantibus persuasum esse; nam pro-  
creatio est opus maxime naturale, quod & satis est per  
se manifestum, & est ab Arist. traditum lib. 2. de ani-  
ma loco vulgatissimo, quamobrem tum grauiditas, tum  
partus est maxime secundum naturam, nec per se um-  
quā est prater naturam, sed ita solum, si quid, quod  
natura aduersetur, ei adiungitur, vt febris, dolor, vlcus  
& similia, qui vel morbi sunt, vel casus morborum co-  
mites; at grauiditas & partus morbi non sunt, cumq;  
auctores, cuiusmodi Aponensis diff. 106. & reliqui,  
quos enumerare superuacaneum sit, recipiant, partum  
alterum esse, alterum non esse naturalem, eo demon-  
strant, partum sua natura morbum non esse, cum enim  
alter sit naturalis, non potest esse morbus, nam res est  
morbis, omnium confessione, prater naturam.

Nec probatur, esse partum, & grauiditatem mor-  
bos, argumento ab ijs casibus sumpto, qui grauidita-  
tem, partumque sequuntur: nam fastidia, horrores,  
vomitus, & reliqua ante memorata, etsi possunt di-  
ci symptomata, vt nomen hoc symptoma omnem affe-  
ctum significat, (quod & ipsum notum est, ex lib. de  
symptom. differ. c. 1. apud Galenum) non tamen est gra-  
uiditas morbus, nisi translate velimus dicere, morbum  
esse naturalem, vt de senio dicebat Arist. lib. 5. de gen.

Grauiditas  
& partus  
sunt morbi  
sed res na-  
turales,  
per se nu-  
quam pra-  
ter naturam

Symptomata, grauiditas, & partus  
corruptio, vt  
incipiendū

Grauiditas  
translatio  
ci potest  
morbis

animal. c. 4. sed quemadmodum victum, & disciplinas cum labore adipiscimur, quarum tamen consequendarum principia nobis à natura tradita sunt (ne quis omnem existimet laborem esse præter naturam; nisi ignavus homo sibi persuadeat, & vitam, & valetudinem; & virtutes ab hominis natura alienas, quo nihil magis absonum dici, cogitariue potest) ita natura comparatum est, ut animalium præstantissimum, magno parentis labore gestetur utero, & maximis doloribus edatur in lucem, atque adeo summum gaudium ex sobole nobilissima singulari laboris, & doloris genere compensetur: hoc, inquam, naturæ comparatum est, eoque efficitur, graviditatem, & partum res esse naturales. Quod si tandem illa, quæ prægnantes, & puerperæ patiuntur, statuamus proprie dici symptomata, non idcirco tamen graviditatem dicemus, aut partum esse morbum, sed prægnantibus, aut puerperis vere morbum aliquem adesse, quem dicta symptomata sequantur, ipsam vero graviditatem, atque partum inter causas potius, referri oportere, ut paullo post explicabitur. Etenim, concepto semine, tamquam re aliena, virtus naturalis mulierum præsertim, quæ nondum huic sunt labori adfuetæ, novitate quasi deterrita, suo languidius munere fungitur, calore scilicet ventris insito nonnihil fracto, & remisso, quæ frigida intemperies quædam est, quam sequitur viciosa concoctio alimenti, quamobrem citantur vomitus, fastidia, rerum alienarum appetitio, & reliqua, quæ dicta sunt, & symptomata vocabantur.

Graviditas,  
& partus  
possunt dici  
causæ mor-  
borum.

Nec

Nec mouet etiam Iurisprudentum opinio, quoniam è contrario alij non minus probati eiusdem auctores prudentia negarunt grauiditatem esse morbum, immo rem esse naturalem ( ut ante dixi ) acceperunt, & omnino constituerunt. Itaque non est præter naturam conceptus & grauiditas, sed morbi ab ea exorti, & symptomata, quæ illos comitantur: quæ sæpenumero tam leuia sunt, ut omnino negligantur, & eo solum estimantur, quo sunt conceptus, & grauiditatis indices, eaq; simpliciter grauiditas naturalis vocatur. aliquando vero tam graua sunt, ut fœtus corrumpatur, & mulier periclitetur, ac nonnumquam moriatur. eaque dici potest grauiditas præter naturam. quibus similia est de partu accipere: non est enim partus morbus: Verum qui casus partum sequuntur, alij verius morbi sunt, alij vero symptomata, quæ morbos sequuntur à partu, tamquam à causa, profectos, nam febres, ulcera, inflammationes, quæ à partu relinquuntur, morbi proprie sunt, purgamenta vero vel nimia, vel iusto pauciora, aut nulla, dolores, animi defectiones, tamquam symptomata, morbos modo dictos sequuntur. Nec mouet idem Aponensis, cum Auicennam interpretatur, de partu, quasi de morbo, locutum: quoniam dixit, fieri quandam maximam articuli disunctionem; nam licet primo animaduertere, & declarare, cuiusnam articuli disunctio illa sit, deinde morbus sit, an non. Os igitur uteri insigniter aperiri, hoc est quidem necessarium, & à Galeno cum admiratione traditum lib. xv. c. 7. de usu partium,

Grauiditas  
aliqua præter naturam

Symptomata partus sequentia.

Aponensis opinio.

Cuius articuli disunctio in partu fiat.



„ tum, cum inquit, Quod os quidem eo usque aperi-  
 „ tur, ut possit fetibus facilem præbere exitum, nemo igno-  
 „ rat, sed quo pacto id accidat, mirari possumus, intelli-  
 „ gere non possumus. at natura tum hæc, tum alia omnia  
 „ in partu animalis admiranda machinatur commenta,  
 „ etenim diligenter providit, quo pacto fœtus, qua conue-  
 „ niebat figura, ad collum matricis perueniret, nec minus,  
 „ quo pacto, dum ipsum peruaderet, nullam partem sau-  
 „ ciaret, neue colonluxaret. Os ergo vteri maxime in  
 „ partu pandi necessarium est. quod pari cum admiratio-  
 „ ne Auicenna loco eodem repetijt, inquit, Aperitur ma-  
 „ trix apertione tali, cuius similem non valeat efficere in  
 „ alia hora. Verum adiecit alterum, cuius mentionem  
 „ Galenus non fecit, scilicet, Et necessarium est, ut sepa-  
 „ rentur quedam iuncturæ, & sustententur adiutorio  
 „ Dei excelsi preparante, vel disponente eas ad illud, dein-  
 „ de reuertente eas ex proximo ad continuationem natu-  
 „ ralem. vult hic Auicenna, præter vteri apertionem, fie-  
 „ ri cuiusdã articuli disunctionem, & continuitatem in-  
 „ tercipi, quem articulum non nominauit, sed iactatur  
 „ vulgo, pubis ossa disungi: hoc tamen, ut sensus testi-  
 „ monio caret, ita est à natura consilio alienum, quæ tan-  
 „ tam adhibuit diligentiam ad coniungendum ossa Ilij in-  
 „ teruentu cartilaginis in parte antica, ut hoc solo in-  
 „ telligamus, nullam debuisse fieri eiusmodi ossium disun-  
 „ ctionem. contra vero in parte postica eadem Ilij ossa, quæ  
 „ parte propinquissima sunt, infima scilicet, minime con-  
 „ iunguntur, & in feminis quoque (quod Vesalius di-  
 „ ferte



ferre scripsit lib. 1. de hum. corp. fabrica cap. 29. ynta-  
gis, quam in viris disiunguntur. quo licet intelligere,  
si qua fiat ossium de sua Sede demotio, in postica fieri par-  
te, Ilij ossibus ad exteriora modice repulsis: itaque &  
summum parientium dolorem in parte postica circa eā-  
dem Ilij, siue coxendicis ossa percipi. testaturq; Ambro-  
sius Paracelsus lib. 23. cap. 13. se pubis ossa, dissec-  
tis à partu statim puerperis, numquam distracta reperisse,  
Ilij quidem ossa ab osse sacro digiti intervallo diuulsa:  
& se se interdum difficulter partientibus adstantem au-  
ribus sonum diuulsionis, & manu ossium distractionem  
percepisse. itaque articulorum hæc fuerunt disunctiones  
ab Auicenna indicatæ, qui non temere plurium numero  
dixit, quedam iunctura, quia ut Ilij duo sunt ossa in-  
ter quæ sacrum os intercedit: ita duos necesse est arti-  
culos esse. Sed & Gentilis Auicennæ interpres, & Ga-  
briel Zerbus scribens de partu naturali, hoc de femoris  
osse, idest, coxendicis, siue Ilij, non de osse pubis, accepit,  
& probati anatomes auctores hanc omnes sententiam  
subscribunt. Qualis autem cumque sit ea disunctio,  
morbus certe non est: quod nec Auicenna dixit, nec ra-  
tione probari potest: Sed è contrario, rem esse naturalem  
(est autem morbus præter naturam) eo accipimus, quod  
sponte, ac momento tollitur, nec opem medicam postulat:  
neque enim Galenus vocat morbum, nisi tempus aliquod  
affectus permaneat, trito, & peruulgato documentis  
ex lib. de diff. sympt. c. 1. & in verbis antè repetitis ex  
lib. 15. de resu part. c. 7. satis hoc demonstrauit, cum

Dies decretorij supputandi à die partus per accidens, non per se.

natura studium exposuit ad factus egressum ex utero, & illarum partium tutelam, per quas egreditur, quo percipitur, partum esse functionem prorsus naturalem. ut omittam interim, mulieres esse non paucas, quæ partus laborem floccifaciunt, eumque se facilius ferre asseuerant, quam cum semel panem conficiendo, aut vestium sordes abluendo laborant. Quodque à nonnullis dicitur, a die partus, tamquam morbi, ineundam dierum, quos vocant decretorios, rationem in affectibus, qui partum sequuntur, hoc ab Hippocratis sententia alienum esse, ostendi in propria de ea re disputatione, ipse enim Hippocrates à die morbi per se, a die partus ex accidenti, supputabat.

Quod vero idem doceat statis dierum periadis morborum instar graviditatem, & partum iudicari; hoc non magis probat, hos morbos esse, quam si fructuum exortum, & maturitatem dicerem morbos esse, & omnium rerum exortum, & perfectionem item esse morbum, si quidem omnia hæc suas habent periodos, ut morbi suas. Auctor est Aristoteles lib. 2. de ortu, & interitu, inquit, omnium est ordo, & omne tempus, & vita mensuratur periodo. vanum ergo est, si dico, morbum esse quicquid periodo mensuratur. nec Hippocrates voluit significare, partum esse morbum, sed illam periodorum rationem, quam in partu docuerat, morborum similitudine confirmare. Itaque nec graviditas, nec partus morbus est, sed res utraque per se naturalis est.

Tria nos rerum genera immutant.

Verum scire expedit, tria esse rerum genera, à quibus

bus permutamur; quorum primum est, in quo, ut vi-  
uamus, necessario versamur quidem, ab eo tamen non  
ledimur necessario, sed plerumque iuuamur, ea vero sunt,  
de quibus Galenus libro *art. med. c. 8* s. aer, alimentum,  
excrementum, somnus cum vigilia, labor cum quiete,  
animi affectus; alterum vero est, in quo non versamur  
necessario, sed à quo necessario, cum nobis occurrit, la-  
dimur, ut venenum, verbera, & quæ sunt huiusmodi;  
tertium est, cui conuenit cum secundo, quoniam in eo  
non versamur necessario, ut viuamus, & cum primo,  
quoniam ab eo, non ledimur necessario, sed pro eius mo-  
do alias salutare, alias noxium est. Hæc ipsa est, Venus,  
à qua non longe abest grauiditas, & partus, sed Ve-  
neris commoda & incommoda sunt à nobis explicata li-  
bro de Continentia. grauiditatem quoque & partum  
(etsi labores magni sunt) si pro nature fiant modo, salu-  
tares esse, cum docemur illarum experimento mulie-  
rum, quæ dum liberis operam nauant, melius valent,  
vidue vero, & continentes frequenter egrotant: cum  
suadet grauissimorum auctoritas scriptorum; nam Hip-  
pocrates lib. de Virginib. inquit. Ego vero has iubeo, „  
quæ hæc patiuntur, cum viris quam citissime habita-  
re; si enim conceperint sane fiunt. quibus illi similis ac-  
cedit ratio, qua Socrates mortem naturalem docebat  
esse iucundam, quoniam nature lege quadam incundi-  
tas ijs rebus adiungitur, quæ secundum naturam fiunt:  
sic igitur quæ secundum naturam fiunt, ea salubria quo-  
que esse, censemus. Ergo tum grauiditas, tum partus

Grauiditas  
& partus  
lucres au

si secundum naturam fiat, salutaris existimandus. Itaque nec moritur mulier vel grauida, vel puerpera si secundum naturam hec eueniant.

**Grauida,** & puerpera, quando moriatur, Moriuntur, cum alienum quid, & præter naturam, & illud graue, contingit: quamobrem tum grauiditas, tum partus, dicitur fieri præter naturam.

**Origo rerū** præter natu-  
rā in graui-  
dis & puer-  
peris, inter  
alia. Quæ vero aliena contingunt grauidis, alia internam  
alia externam originem habent: interna est origo, si ob  
hiatum uteri menses grauidis singulis mensibus pro-  
deant, si acetabula sint plena pituitæ, si acris pituita  
in ventrem à capite delabatur, & alui fluorem excitet,  
si lumborum & ventris dolores oriantur, si biliosa sit,  
& inde febres fiant, & regio morbo afficiatur, si repen-  
te mamma gracilescant, & lac non appareat, si pitui-  
tosa sit, & caput idcirco doleat, febriat, & corpus co-  
lore plumbeo persundatur, si lienosa sit, si uteri flatuosi,  
densi, magni, parui, & quacumque ratione ad abor-  
tum faciendum proni. Extrinsecus vero nascuntur si-  
miles affectus, si mulier onus leuauerit, si percussa fue-  
rit, si saltauerit, si abundantius, aut parcius alimen-  
ta, potusque acceperit, si timore, & consternatione  
correpta fuerit, si vociferata sit, & alias intemperan-  
ter vixerit, si quoque præter consuetudinem, acria,  
amaraue comederit, aut biberit: nam ex omnibus com-  
memoratis fœtus corumpuntur, & mulieres in peri-  
culo versantur. Quod & magistra experientia inno-  
tuit, & ab Hippocrate proditum est libro primo de mor-  
bis muliebribus.

Non solum autem ab his fetus corrumpuntur, & ipsa praegnantia intereunt, sed nonnumquam eadem haec ad tempus partus perducuntur, ipsumque partum difficilem reddunt, quem tamen peculiariter aliae graues excipiunt affectiones, à quibus & mulieres pereunt: si videlicet purgatio non fiat debita, vel fiat immodica, si secunda non egrediatur. Purgatio vero non fit, quia solent uteri à partu inflammari, & durescere: quapropter occluduntur, & idcirco alias putrefactis purgamentis ulcera in utero nascuntur, alias venter intumescit, & lien, & crura, & dolores fiunt ad lumbos, & viscera, et ad omnem corporis partem, fiunt quoque rigores, & febres, & deliria, & surditas, & cecitas, & sanguinis vomitus.

Purg  
mulieb  
cur non

Fiunt vero immodica purgationes ore uteri ob violentum fetus egressum amplificatio, & venis quibusdam ruptis, & ea propter etiam febres, rigores, horrores, cibi fastidia, macies, imbecillitas, pallor, tumor. Si secunda intus relicta sit, febres, & dolores fiunt magni, & alias purgamenta fiunt parcius, alias abundantius, quam par est, venter augetur, & durescit, febres & rigores fiunt.

Purga  
nes im  
dicz.

Quae vero de partu dicta sunt, de abortu quoque dicta putabis, qui nihil aliud esse à multis creditur, quam partus intempestivus: & ex abortu non secus atque ex partu graua patiuntur, & in simili discrimine versantur: si quidem tum grauida, tum puerpera, & abortum facientes ex dictis incommodis non paucè moriuntur.

Abortu  
dem &  
tus rati

Aliae tamen citius, aliae serius, pro corporis, & affe-

Etio-

Etionis ratione, vt inquit Hippocrates lib. 1. de morb. muliebr. n. 53. & pregnantem biliosam, & egram. speci-  
ciatim dixit lib. eiusdem num. 42. vno & triginta die-  
bus plerumque interire. & n. 44. puerperam pituito-  
sam dixit mori diebus quinque, & quadraginta, deq[ue]  
alia, cui purgatio non facile procedit lib. eiusd. n. 52. &  
53. dicebat, non excedere vnam & vigesimam diem.

Periculū in  
ritus ex  
partu quam  
diu manet.  
Purgatio  
s à partu  
tempus.

Periculum scilicet interitus ex partu tamdiu manet,  
quamdiu purgatio à partu naturaliter procedit, & diu-  
tius, si quid præter naturam contingat. Naturaliter  
autem Hippocrate auctore libro de natura pueri n. 10.  
& lib. 1. de morb. muliebr. n. 89. Si fœtus fœmina sit  
purgatio diebus fit duobus, & quadraginta, licet fieri  
possit citra periculum diebus viginti quinque. si vero  
masculus sit diebus triginta, licet viginti quoque citra  
periculum fieri possit; quamquam longius etiam huic  
purgationi spacium Moses tribuisse legatur, nam edito  
mare dies tres & triginta, edita femina duplum, scili-  
cet sex & sexaginta constituit Leuitici c. 12. quod ve-  
ro Hippocrates docuit illud est, quod est proditam ab  
Auienna 21. 3. tr. 2. c. 33. quodque veluti compen-  
dium est eorum, quæ de partu ab Hippocrate tradita  
sunt, de quibus ante dictum est. Partus, inquit, Aui-  
cenna non extenditur in masculis vltra triginta, & in  
feminis vltra quadraginta dies, & plus parum. &  
accidunt fœtis agriandines plurimæ, sicut fluxus, &  
retentio sanguinis, quare perducit fluxus sanguinis ad  
casum viriutis, & perducit retentio menstruorum ad  
febres

uicēz  
cus per  
nditur.



febres pravas, & apostemata, & multoties accidit,,  
 exitura in partu difficili: & quandoque accidit eis in,,  
 flatio ventris, & fortasse moriuntur, & sanguis qui,,  
 dem partus vehementioris est nigredinis, quam san,,  
 guis menstruorum, & quoniam est retentionis longioris,,  
 spacij. Hac Auicenna, cuius sententiam. nec Aponen. diff. Aponen  
 dicta 106. nec Iacobus de partibus recte accepit; pu- Iacobus  
 tant enim; sermonem hunc esse de tempore partum pra- partibus  
 gresso, in quo paritura percipit aliquas affectiones, que rantur.  
 sint futuri partus indices: sed ea vana est interpretatio,  
 quam nec rationibus, nec auctoritatibus probarunt. Ve  
 rum loquitur Auicenna de tempore, quod sequitur par-  
 tum, & posterior Interpres pro eo, quod vetus interpre-  
 ratio habet, Partus non extenditur, habet, enixatio,  
 siue enixæ tempus non extenditur &c. & est tem-  
 pus puerperæ purgationi destinatum, de quo modo ex  
 Hippocrate loquebamur. & cum dixit ultra quadra-  
 ginta dies, subiunxit ea, & plus parum, ob duos dies,  
 quos Hippocrates ultra quadraginta memorauit, in  
 quo interpretes Auicenna cecutiuisse, iam constat. Il-  
 lud recte Aponensis loco antedicto scripsit, Tempus au-  
 tem purgationis femellæ quadraginta ponitur diebus,,  
 de generatione embrionis &c. scilicet hic est locus Hip-  
 pocrat. in libro de natura pueri, de quo ante dictum est.

Quod vero adiecit Aponen. ex Leuitico, Mosen ve-  
 tuisse, puerperas tamquam immundas ingredi in San-  
 ctuariam, nisi post diem octogesimum in partu femine,  
 & post quadagesimum in masculo, hoc videtur qua-  
 dam

Locus I  
 tis.



dam egere correctione, nam Leuitici c. 12. fit mentio in partu masculino dierum triginta trium, & feminino dierum sexaginta sex, & licet fiat mentio dierum septem purgationis in maribus, & quatuordecim in feminis ex quibus cum triginta sunt quadraginta, & cum sexaginta sex sunt octoginta, tamen non constat, Moſen voluiſſe, dictos ſeptem in mare ſeorſim accipiendos à triginta tribus, & quatuordecim in femina ſimiliter ſeorſim accipiendos à ſexaginta ſex, vt ex his fiant octoginta, ex illis autem fiant quadraginta, hoc inquam non conſtat: cum ſeptem poſſint cum ipsis triginta tribus, tãquãpars quẽdã totius eius numeri, & quatuordecim cum ſexaginta ſex ſimiliter connumerari, Sed hoc obiter.

Purgatio ſane à partu in maribus eſt dierum triginta, & in feminis duorum & quadraginta, quod in vtroq; tempus eſt longiſſimum. hocq; de partu naturali accipiendum eſt. alias vbi aliquid partui contingit præter naturam, vt poteſt purgatio ante debitum tempus ceſſare, ita poteſt vltèrius produci, atque adeo incertum eſt tempus ex partu moriendi, nam poteſt mulier in partu tam maris, quam femina intra vigeſimum diem à partu interire, vt dictum eſt lib. 1. epid. ſect. 3. de Philini vxore, quæ in ipſa vigeſima mortua eſt, & de vxore Dromeadis, quæ ſexta die interijt, & lib. 3. ſect. 2. de ea, quæ decumbebat in Mendacium foro, quæ perijt die decima quarta. poteſt quoq; puerpera egritudo extendi vltra dies dictos triginta in maribus, & quadraginta in feminis: etenim idem Hippocrates lib.

1. Epidem. sect. 3. agrum s. Epicratis uxorem, cum post-  
 tridie à partu febre correpta esset, dicit, perfecte iudi-  
 catam, hoc est liberatam die octogesima, & lib. 3. sect.  
 3. aic in Thaso decumbentem apud frigidam, cum à par-  
 tu purgatio facta non esset, & febris acuta corripuis-  
 set, mortuam die octogesima (utraque semellam pepe-  
 rerat) itaque agritudinem ex partu perductam docuit  
 ad diem usq; octogesimum. Sed non est hic status, & im-  
 mutabilis in huiusmodi agritudinibus temporis termi-  
 nus, nam potest multo longior fieri progressio pro agri-  
 tudinis natura: neque enim à partu morbi fiunt dum-  
 taxat acuti, sed fiunt multi quoque diuturni, qui ad  
 multos menses producuntur; quamobrem intelligimus  
 terminum dierum triginta, vel quadraginta, non esse,  
 ultra quem ex partus causa mulier non moriatur, sed  
 ultra quem morbus non fiat, qui sit partui imputandus.  
 nam causa partus dumtaxat oriri morbum existima-  
 mus, cum intra tempus oritur, quo purgationes à par-  
 tu prodire solent, ut dictum est, habita marium & fe-  
 minarum ratione. intra id vero tempus quacumque die  
 mulier egrotarit, partus causa, vel occasione incidisse  
 in egritudinem dicenda est, (eisi constaret causam aliam  
 quamcumque ad partum accessisse) Hippocrates enim  
 aliquando scitipit, ipso die partus ortam esse agritudi-  
 nem ut lib. 3. Epid. sect. 2. agro 12. ut etiam die abor-  
 tus dixerat in agro 10. aliquando vero posttridie à par-  
 tu, ut lib. 1. Epidem. agro 5. & 11. aliquando tertio  
 die, ut in eodem 3. Epidem. sect. 3. agro 2. aliquan-

Tēpus, q  
 morbus  
 scitur e  
 partu.

do die quartodecimo, vt lib. 1. Epidem. sect. 3. agro 4.

Hippocrat.  
partū, abor-  
tum, & gra-  
uiditatem,  
tāquā cau-  
sas morbo-  
rum quas-  
dam recen-  
set.

Nec dubitandum eas mulieres partus caussa, vel occasione agritudine correptas quoniam Hippocrates non alia de caussa partum memorauit, quam vt causam indicaret agritudinis, vt cum abortum memorat lib. eod. 3. sect. 2. agro 10. & 11. & grauiditatem vt lib. 1. sect. 3. agro 13. Sic enim solet, caussas agritudinum asserre, vt patet ex alijs narrationibus, ac praesertim in mulieribus, quae vel citra partum, & abortum, & citra grauiditatem egrotarunt. sic enim ad finem lib. 1. Epid. in Melidia paucitatem mensium accusauit, & in 3. lib. sect. 3. in Thaso mulierem dixit ex mœrore cum occasione agrotasse, & ex simili caussa Dealcis uxorem, & in 7. lib. Cleomenis uxorem ex lassitudine, & Pausania filiam ex fungi esu egrotasse narrauit. Sed & in alijs multis caussas agritudinum recensuit, vt lassitudinem, potationem, exercitationem in tempestiuam, calefactionem, victum prauum, cursum, Venerem, quibus manifestum sit, abortum quoque partum, & grauiditatem, tamquam caussas agritudinum narratas esse. Nec dubitandum quia non dixerit ex grauiditate, vel abortu, aut partu morbos exortos, vt dixit, ex lassitudine, ex potatione, & similia, nam satis superque notum existimabat, hasce caussas esse morborum: immo cum in hisce narrationibus memorato partu, aut abortu, aut grauiditate causam aliam numquam exposuerit, eo indicauit, his se causis acquiesse.

Itaque

Itaque concludendum est; non solum eas, quæ moriuntur in ipso partus articulo, partus causa interire, sed illas etiam, quæ post partum moriuntur; etiam post diem tricesimum, & quadragesimum, dum morbus oritur ante diem tricesimum, si masculus ortus est, vel ante diem quadragesimum, si nata femina est.

Quæ dicatur partus causa interire.

Neque mortis tempus est obseruandum, & astringendum, sed ægitudinis principium, cum enim (ut ante dixi) morborum alij breues, alij diuturni sint, omne genus occasione partus nasci potest; cumque in utroque genere letales morbi sint, & idcirco partus occasione diuturnus, idemque letalis morbus nasci possit, ergo potest mulier occasione partus diu agrotare, & perire post dies, non solum quadraginta & octoginta, verum etiam post plures menses. Sed ut intelligatur partus causa perierit necne, initium est ægitudinis obseruandum, & his non est dissimilis ratio abortus. itaque Hippocrates lib. 1. de morb. mul. inquit, Transmutationes, & fines eosdem morbus habet, siue ex fetus corruptione, siue ex partu uteri ulcerati fuerint. De grauiditate minus dubitari potest, nam tempus eius statutum est, nec potest mulier effugere, quin pariat, vel abortum faciat, nisi pereat ante partum, vel abortum. atque tunc non est obscurum perierit nec ne in grauiditate.

Non tempus mortis, sed ægitudinis principium obseruandum.

Abortus dissimilis partui

Quæres fortasse, utrum quæuis ægritudo superueniens mulieri uterum gestanti; quamobrem mulier ea moriatur; imputanda sit grauiditati. cui quæstioni ex Hippocratis auctoritate respondendum est, qui Apho-

Ægritudo quæuis superueniens grauidis imputanda grauiditati.

„rism. lib. 5. aph. 30. inquit, *Mulierem utero geren-*  
 „*tem morbo corripit acuto, letale.* At nonne morbus om-  
 nis acutus letalis est? hoc sane Hipp. docuit lib. 1. acut.  
 t. 8. cur ergo notat in grauida letalem esse morbum acu-  
 tum? sane superflua videtur admonitio, nisi indica-  
 re voluit, graviditatem gravius periculum efficere,  
 quamobrem, quæ alias potuisset evadere, eo nomine quod  
 grauida est, perniciosore morbo correpta, in graviore  
 discrimine versetur, quamobrem mortem graviditati  
 imputandam Hippocrates voluit. utque non refert,  
 morbum eundem acutum, posse extra graviditatem in-  
 terficere; etenim vult nihilominus Hippocrates graui-  
 ditatem causam esse; ita non refert, utero gerentem  
 incidere in morbum, non quia pragnans sit, sed ex alia  
 causa manifesta, ut ex saltatione, ex intemperantia,  
 & alijs quibuscumque, nam ostensum est, nullam mu-  
 lierem ex graviditate, quæ secundum naturam est, pe-  
 rire, sed accedente casu aliquo præter naturam, à caus-  
 sa interna, vel externa, quapropter cum mulier gra-  
 uida, morbo correpta ex quacumque causa, periclitatur,  
 graviditati periculum & mors (si sequatur) imputan-  
 da est. & graviditatis exceptioni locus dandus.

Vtrum mori  
 morbus ex  
 graviditate  
 possit intra  
 diem 23. &  
 concepisse  
 mulierem di-  
 cto tempo-  
 re cognosci.

Sed fuit olim proposita questio, utrum diem intra vi-  
 gesimum à primo concubitu mulier incidere in morbum  
 possit, qui sit graviditati imputandus: quamobrem. si  
 vel intra hos dies moriatur, locum habeat exceptio di-  
 cta, quia pragnans defuncta sit. Iude autem oritur du-  
 bitatio, quod nec tam paucis diebus intelligi possit, mu-  
 lierem

lierem concepisse, & utero gerere, nec Galenus visus  
 sit voluisse, morbos ex graviditate intra dictos dies ori-  
 ri, cum cittam vocatam, pregnantibus familiarem,  
 docuerit, non nisi secundo, aut tertio mense fieri lib. I.  
 de sympt. caus. c. 7. Verum, intra tempus propositum,  
 & fieri morbos, & graviditatem dignosci nihil est, quod  
 prohibeat, & debeat dissuadere. Morbis orituris tem-  
 pus nullum prefinitum est, & quocumque tempore mor-  
 borum cause presto sint, morbi nascuntur, si corpus ad  
 egrotandum paratum sit. Si ergo graviditas (ut ante  
 dictum est) morborum, pro corporis constitutione, caus-  
 sa est, poterit mulier gravida quancumque morbum  
 concipere. Quod si Galenum putes docuisse, primo men-  
 se graviditatis Cittam non fieri: tamen non est aliarum  
 par agritudinum ratio. Sed nec Cittam Galenus ne-  
 gavit primo mense fieri. quinimmo, posse fieri, ex eius-  
 dem verbis accipimus, nam loco dicto inquit, Sic affi-  
 ciuntur plerique usque ad secundum, & tertium men-  
 sem, in quarto vero desinunt. que verba clare signifi-  
 cant terminum, ultra quem Citta non fiat, sed non  
 unde incipiat. relinquunt tamen, ut intelligamus pos-  
 se oriri primo mense, & ad quartum perducere, legitur  
 enim ἀρχὴ τῆς συνόδου, καὶ τρίτου μηνός, at prepositio ἀρχὴ signi-  
 ficat terminum ad quem, non à quo (ut dici solet) cu-  
 ius termini, à quo, Galenus mentionem non fecit, ut  
 rei notæ, & receptæ: namque cum primum mulier conce-  
 pit, eo potest morbo aliquo corripitur, nec minus Citta. cum-  
 que hic Galenus subiungat, se locutum de tempore, quo  
 fetus

Morb  
 ortui  
 temp  
 finitu

Citta  
 prime  
 mensi



fetus conceptus dicitur græce  $\chi\lambda\upsilon\mu\alpha$ , non autem  $\imath\mu\beta\upsilon\omega\varsigma$ ,  
 nostram interpretationem confirmat, nam Aristoteles  
 lib. 7. de hist. animal. c. 3. docuit,  $\imath\mu\beta\upsilon\omega\varsigma$  dici factum  
 dierum quadraginta,  $\chi\lambda\upsilon\mu\alpha$  vero tum hunc, tum iu-  
 niorem. ergo non excluditur primus mensis, sed potest  
 illo mulier tum alias, tum Citta egrotare. Quod potest  
 quoque sumi ex Galeni eiusdem ad 5. aph. 61. ubi ait,  
 fastidia nasci in gravidis eadem, qua pica ratione: sed  
 fastidia oriuntur primis diebus ergo, & citta potest, quia  
 ab eisdem causis oritur. Sed accedat Aristotelis testi-  
 nium ex eiusd. lib. 7. de hist. an. c. 4. diserte tradentis,  
 gravidis mulieribus accidere corporis totius gravita-  
 tem, oculorum caliginem, capitis dolores, his quidem  
 die decimo, his autem tardius, ut magis, minusue à  
 materia superuacanea tentantur. Sed, hoc, demum,  
 Hippocratis fuisse consilium, licet inde accipere, quod  
 morbos pregnantium plerumque describit absque tem-  
 poris definitione, & quamvis multi sint, qui nonnisi se-  
 cu adulto fieri possunt, tamen non desunt, qui fieri omni  
 tempore possunt.

Quod vero cognosci possit intra diem vicesimum ter-  
 tium, mulierem concepisse, & utero gerere, non est  
 difficile ex veterum documentis cognoscere, Hipp. pri-  
 mum 5. aph. 62. inquit, Si mulieri cessent purgationes  
 neque febris, neque rigor superueniat, & fastidia inci-  
 dant, iudica ipsam in ventre habere. Cum autem hæc  
 dixerit, potest sepe contingere, ut mulier concipiat, cui  
 menses, cum paucis ab ipso conceptu diebus accedere de-  
 buissent,



buiſſent, non acceſſerint. itaque accedentibus ad men-  
ſum deſectum faſtidijs, intelligitur in utero habere,  
licet intra diem à conceptu viceſimum. quibus addi quo-  
que poteſt, experimentum aqua mulſæ, de quo ſ. aph.  
41. & lib. de ſterilib. inſuper Hipp. monuit lib. de ge-  
nitura, & de ſterilibus, & Ariſt. lib. 7. de hiſt. an. c. 3.  
obſeruandum, utrum, cum vir ſemen emiſerit, ſicca  
vulua remaneat: in qua re obſeruāda licet Hippocrates  
deſideret mulierem partus peritam, tamen declarauit  
& partus expertem poſſe hoc idem cognoscere: ait enim,  
hoc ab alijs mulieribus percipi poſſe, ut ſecit cantrix il-  
la, de qua idem Hipp. lib. de natura pueri. demum graui-  
tas corporis, oculorum caligo, capitis dolores dicti ſu-  
perius ex Ariſt. docent poſſe conceptum primis ipſis de-  
cem diebus cognosci, nedum ante viceſimum tertium, ut  
proponitur. Sed ex dictis apparet, poſſe intra idem tem-  
pus mulierem agrotare, & interire: modo ſimus me-  
mores, grauiditatem nō eſſe per ſe cauſſam agritudinum  
& mortis, ſed ob adiunctos morbos, qui tamen in gra-  
uidis periculoſiores ſunt, ut ante dicebatur. Sumendum-  
que eſt, & inter conceptus diem, & morbi exortum, ſpa-  
tium, & tempus interponi, quo indicia conceptus appa-  
reant: quod intra decem primos dies fieri poteſt, ut di-  
ctum eſt: alias ſi concipiat ſimul & agrotet, minime iu-  
dicare hoc ſigno valemus, eam utero gerere:

Si queratur ſimiliter de abortu, & de partu, ſcilicet  
utrum quauis agritudo ſuperueniens puerperæ intra  
dies triginta in ſetu maſculo, & quadraginta duos in  
femel-

Aegritudo  
uavis pu-  
peræ ad-  
ueniens par-  
ui impu-  
anda.

xamen hi  
oria li. 1.  
pid. sect.  
agro 4.

femella ; ex qua aegritudine moriatur ; sit partui impu-  
tanda, necne: respondebo, partum prorsus accusandū: hoc  
enim Hippocrates indicauit, cum in libris Epidemicis de  
mulieribus, quæ à partu aegrotarunt, satis habuerit di-  
cere, peperisse, nec magnam aliarum videatur caussa-  
rum rationem habuisse. uti quoque cum de grauidis ver-  
ba fecit: nam lib. 1. Epidem. sect. 3. agro 4. Philini  
dixit uxorem peperisse filiam, & purgatione facta ex  
prescripto natura, cæterisque recte habentibus, decimo &  
quarto à partu die correptam igne ( idest febre ut Gal.  
interpretatur, ardentissima ) cum rigore ; sed eius rei  
nullam, præter partum, attulit causam, quam, si ade-  
rat, & aestimabatur, prætermittere non debuisset: di-  
xit quidem purgationem cessasse, sed ita ut videri pos-  
sit, febrem ortam prius, purgationis vero suppressionem  
secutam potius, ut symptoma, quam prægressam esse ut  
causam. Licet enim Galenus interpretatus sit, huic mu-  
lieri ex retenta à partu purgatione morbum & mortem  
contigisses tamen hoc Hippocratis verba non significant:  
quod ex duobus accipitur, primumque hoc est, dixit, fe-  
brem aduenisse, cum esset purgata secundum naturam  
& φύσιν κατὰ φύσιν. Ergo non ex retenta pur-  
gatione febris orta. Nec dicendum purgationis nomine  
secundina vocatæ eiectionem acceptam: quia hæc inter-  
pretatio non est alijs Hippocratis locis consentanea, in  
quibus, agendo de mulieribus, reperitur hoc usus vo-  
cabulo purgatio κατὰ φύσιν, pro sanguinis euacuatio-  
ne: sic s. Aphorism. 61. si utero gerenti purgationes  
eant,

eant, & dāgnus πρὸς ὁρτά, Et 62. si non eant purgationes.  
 ἢ μὴ πρὸς ὁρτά & dāgnus, quæ ad secundas referri non va-  
 lent. Itaque hoc etiā loco purgationem intelligimus  
 sanguinis à partu; quam necesse est perseverasse usque  
 ad diem decimumquartum; quod aliquis acciperet ex  
 ipsius vi dictionis & dāgnus πρὸς ὁρτά; quod præsentis est  
 temporis participium, perinde atque dixisset, dum pur-  
 gatio fieret, itaque ut servatum est tempus præsens in  
 illis; leuiter agentem, & πρὸς ὁρτά; nam & hoc  
 est præsentis temporis participium; sic in hoc πρὸς ὁρτά de-  
 buisset servari; quo intelligitur; purgationem mansisse  
 usque ad diem decimumquartum, namque ait Hippo-  
 crates, eo die febrem exortam, dum purgatio fieret, &  
 alia bene haberet; sed vim dictionis huius non tanti  
 facio; nam Græcorum nōn me latet in usu temporum  
 licentia; & in eadem oratione τὸν ὁρτά, quod est præ-  
 sentis temporis perterunt in præteritum, & recte, idest  
 cum peperisset; Sed me res mouet ipsa: nam si purgatio  
 secundum naturam processit, & alias leuiter habuit,  
 hoc usq; ad diem, quo cepit egrotare, perseverasse opor-  
 tuit: nam si ante illud tempus desisset, dici non potuis-  
 set, factam secundum naturam esse: neque contemneu-  
 dum, si quis hoc confirmet eo, quod dictum est, appposito  
 pharmaco, idest pessario vocato, τὸν ἐκχυρῶν, secun-  
 dum hæc leuata est, hoc est dolores uteri. (quos ait die  
 decimoquarto exortos) sublatis, purgatione (quam in-  
 dicat eodem tempore cohibitam) reuocata, cum reliqua  
 remanserint, & mulier defuncta sit. argumento autem

est, febrem à retenta purgatione ortam non esse, quia  
 reuocata purgatio nihil opis aduersus febrem attulerit.  
 Cum ergo dicitur, huic mulieri, febrem à suppressa pur-  
 gatione ortam esse, interpretatio est uerbis Hippocra-  
 21 tis minime congrua. Accedit & alterum: Nam Hip-  
 22 pocrates inquit, decimo & quarto die ignis inuasit cum  
 23 rigore. huic cor primum dolebat, & hypocondrium dex-  
 24 trum, muliebrium dolores, purgatio defuit, quibus  
 uerbis non temere, & absque ordine res enarrauit, nec  
 crediderim illud aduerbium, primum, sine causa appo-  
 situm; sed importune appositum esset, nisi cetera ordine  
 narrare constituisset, eoque accipiendum, purgationem  
 postremo loco narratam pro causa non receptam ab Hip-  
 pocrate, nam causa ut praecedit, ita priore loco afferri  
 debuisse, nisi quis narrata illa quatuor symptomata,  
 eodem tempore putet exorta: & illud, primum (grece  
 tamen significantius, appropinquare cum inciperet, scilicet fe-  
 brile) dolorem cordis comprehendere, & praecordij dex-  
 xtri, & muliebrium, & purgationis defectum; tamen  
 cuncta hac febre posteriora euenisse, dictio illa demon-  
 strat: eoque efficitur, partum, licet naturalem, agritu-  
 dinis causam fuisse, non qua naturalis fuit, sed qua  
 nonnihil praeter naturam latuisse necesse est, ut dictum  
 25 sit ab Hippocrate secundum naturam purgatione facta  
 26 & alias leuiter degentem, quia quod latebat, nondum  
 apparuerat, à quo febris oriri potuit die decimoquar-  
 to, quam secuta sunt quatuor enarrata symptomata:  
 quapropter, si suppressio purgationis febrem induxit, hoc  
 tamen

tamen debuit partui adscribi, quia purgatio infamina exortu secundum naturam ad diem quadragessimum perducitur, licet possit etiam sine periculo ad diem vigesimum quintum desinere. Cum autem huic mulieri die cessauerit decimoquarto, hoc sine periculo fieri non potuit. Sed non hoc agitur, idque solum admonemur, quod Hippocrates, cum partum memorat, alio causæ genere prætermisso, partum ipsum pro causa accipi, voluerit: non tamen qua naturalis est, licet multis diebus naturalis videatur; quod est dignum animadversione: nam in alia eiusdem libri narratione, dixit, Epicratis uxorem bi-duo ante partum riguisse vehementer sine calore, tertio die peperisse femellam, & reliqua omnia euenisse pro ratione, καὶ τὰλλα πάντα καὶ λόγῳ ἰσθῆναι, si ergo alia omnia secundum rationem, ergo non solum secundarum eiectionem (quod aliqui dixerunt) sed & purgationem à partu factum oportuit secundum rationem: tamen productus est morbus usque ad diem octogesimum. Ergo morbi causa graviditas & partus, cum lateret aliquid, quamobrem & rigor ante partum accessit: etsi naturalem fuisse partum significauit. quibus similia leguntur eodem libro de Dromeadi uxore, quæ non quidem riguit ante partum, sed femellam peperit, & alia omnia facta sunt secundum rationem, ut in priore. Verum hæc breui mortua est, nec aliam ob causam, nisi quia partus non erat naturalis, ut videbatur; & latebat anguis in herba, quod euentus docuit. Nec Vallesius persuadeat, facta omnia secundum rationem quia

secundina eiecta, etenim secundinarum eiectiones non sunt  
 omnia, sed & purgationem secundum rationem à partu  
 factam, verba illa, & alia omnia, comprehendunt,  
 nec item persuadeat morbum huic accidisse, ob purga-  
 tionem suppressam intempestive, nam si primo die par-  
 tus omnia secundum rationem euenire, ergo & purga-  
 tio. cumque die altera febris orta sit, non ergo à sup-  
 pressa expurgatione, ergo à partu, qui non erat, ut vi-  
 debatur, naturalis, cum intus laterent, & quiescerent  
 morbi semina, quæ non eodem semper tempore germina  
 emittunt. Dicemus quidem à suppressa post partum pur-  
 gatione, in Thaso ægrotasse mulierem, de qua lib. 3.  
 Epid. sect. 3. ægro 1. cum speciatim scriptum sit à partu  
 illam febre correptam, cum purgatio facta non esset,  
 & ad idem non proprium, quod etiam dicendum de illa, quæ  
 libro eodem inferius dicta est in Cyzico gemellos cum  
 difficultate peperisse nec valde purgatam esse, & in  
 Epid. 1. quod & libro 2. sect. 2. totidem verbis pro-  
 ditum est. In his ergo Hipp. satis habuit pro causa  
 ægritudinis partum memorasse ut lib. eiusdem 3. sect.  
 2. ægro 10. & 11. abortum recensuit (quo amba illa  
 mulieres defunctæ sunt) omni ommissa aliarum causa-  
 rum mentione: alias tam de viris, quam de mulieri-  
 bus agendo, causas attulit nominatim varias, qua-  
 rum antea mentio facta est. Itaque graviditatem &  
 partum satis idoneas causas (et si morbus alias causas  
 habuisset) & periculi & mortis existimabat, ut an-  
 te notatum est. Sed reprehendet hanc (video) senten-  
 tiam,



tiam, qui hæc legerit apud Aponensem Conc. diff. 106.

Si febrem post partum contingat fieri naturalem ex malitia regiminis, & vniuersaliter à quacunque causa manifesta, nullo modo computandum à partu, sed à febre solum, cum in nullo dependeat ab eodem, si pauci etiam inter partum & febrem intercedant dies. hac ibi, quibus verbis significatur aperte, si morbus mulierem post partum naturalem corripiat ob causam manifestam, illam partui non debere imputari. Verum quod Aponen. ait, dies egritudinis post partum naturalem exortæ à die primo egritudinis, non autem partus supputari debere, hoc sane dictum est ex Hippocratis sententia, qui morbi cuiusque dies (etiam post partum præter naturam) à primo die morbi, non à die partus, nisi ex accidenti, ut suo loco explicatum est, numerabat. quod vero ait, si morbus oritur post partum naturalem ex causa manifesta, nullo modo à partu pendere, hoc neque est de sententia Hippocratis dictum, neque alias demonstratum. contra vero superius demonstratum est morbos eosdem grauiditati, aut partui accedentes longe esse, quam cum alias fiunt, periculosiores: itaque contra Hippocratis sententiam, falsoque dictum est, eos in nullo à partu pendere. Ergo quacumque pregnante, vel abortiente, aut post abortum, aut pariente, vel post partum defuncta, dum intra dictos dies triginta in maribus, vel duos & quadraginta in feminis, vel si in ipso die trigesimo, aut quadagesimo secundo morbus oritur. (quibus exactis diebus iam non dicitur partus causa



caussa morbus oriri) exceptio locum habebit.

Sed queri potest, si mulier ex quacumque causa vtero laboraret ( quisquis ille morbus sit ) atque interim conciperet, & gravida, vel abortu facto, vel à partu moreretur, cui mors huius tribui deberet? num labori primo, ita ut exceptio locum non habeat? nequaquam: si namque cum illo labore ita vixit, ut concipere potuerit, dubio procul absque conceptu vivere diutius potuisset, ergo mors ea tribuetur graviditati, aut abortui, aut partui, & exceptio locum habebit.

Queri quoque potest, si mulier vtero ex quacumque causa laboret, interimque concipiat, & post abortum, aut partum intra tempus dierum triginta, aut duorum & quadraginta agrotaret, & sanaretur vel intra, vel ultra eosdem dies, atque manente eodem uteri labore aliquot diebus, quotcumque vltra præfatum numerum eodem iterum morbi genere capiatur & pereat, erit ne mors partui, vel abortui tribuenda, quoniam recidiva sit, quæ naturam refert prioris morbi & in eiusdem morbi causas refertur? nequaquam: quoniam ubi sanata semel est post partum, vel abortum, iam est illi statui, in quo fuit ante conceptum, restituta: quo tempore si ex uteri labore periisset, nulla exceptionis ratio habenda fuisset, cum neque gravida esset, neque abortum fecisset, neque peperisset. Similiter igitur eadem prætereunda exceptio est, cum post recuperatam valetudinem iterum agrotat, sed extra tempus puerperarum purgationi assignatum. Neque dicenda est recidiva

cidua simpliciter, quæ in partum, vel abortum referenda sit, quia dictum extra tempus iam nulla vis est, & ratio habenda est nulla partus, vel abortus: cumque sumatur, illam sanitati pristina restitutam, necesse est, vitium illud vetus uteri à noua caussa externa vel interna, ut contingit sæpe sine conceptu, irritatum esse.


Sed quesitum est illud quoque, si uterus, antea bene & secundum naturam constitutus, dum grauida mulier est, vitium contrahat, aut post abortum, vel partum; egrotetque mulier intra purgationis tempus, si interim occidat, mors ea partui, aut grauiditati tribui debet, ut dictum est; sed sana hæc euadat quandocumque: Si ultra purgationis tempus denuo eodem morbo capiatur, & noua caussa nulla accesserit, erit ne secundus hic morbus grauiditati imputandus, aut partui, adeo ut exceptioni sit locus? omnino, si constet nouam caussam nullam aduenisse, quoniam recidiua est, cuius eadem est, & prioris morbi natura, atque cessauerit licet caussa remotior, grauiditas, vel abortus, vel partus, propinqua tamen eadem manet, uteri scilicet vitium à remotioribus illis caussis exortum, in quod sequens morbus referendus est. Verum esse hanc recidiuam, & nullam aduenisse caussam internam saltem (si fortasse de externa essemus certi) hoc est ad probandum, & demonstrandam difficillimum. Nec similis casus est ei, de quo dictum est ante, si morbo capiatur mulier grauida, vel à partu, aut abortu, accesserit licet alia euident caussa, & intereat; morsem esse grauiditati,

tati, aut parvius imputandam. non est res ea, inquam,  
 similis: nam in hac exstat nota causa agritudinis gra-  
 uidicæ, aut partus, aut abortus, sed in re proposita  
 nihil est quod doceat esse recidiuam, & vteri vitium  
 semper perseverasse, a quo ut prior, ita posterior morbus  
 exortus dici possit: nam etsi potuit perseverare, & in-  
 terim non esse molestus (ut est in omnibus rebus vicis-  
 situdo quedam laboris, & quietis) non est tamen ne-  
 cessarium, & perseverasse vitium illud, & ex eo mor-  
 bum letalem ortum esse, hoc est ex ijs, quæ nequeunt  
 probari, & demonstrari, propterea que in hoc casu lo-  
 cum exceptio non habebit.

F I N I S.



MARSILLI  
CAGNATI  
DE LIGNO SANCTO  
PRIMA DISPUTATIO.



NON est, quod aliquis miretur  
amplius, incredibilem opinionum  
varietatem in plantarum gene-  
ribus diuersarum recognoscendis:  
etenim non illa sunt dumtaxat  
huius diuersitatis causse, rerum  
genere differentium similitudo,  
nominum confusa varietas, linguarum diuersitas, au-  
ditorum in ijs describendis negligentia, & aliquorum  
(dicere liceat) imperitia: Sed preterea ambitio, ani-  
mi contumacia, lucri cupiditas, & insitum quorundam  
studium contradicendi, & nouas, licet absurdas, opi-  
niones suscitandi. Quod experti nuper sumus, dum  
ageretur de ligni cuiusdam, quod sanctum vocatur, re-  
cognitione: cum res iamdiu citra controuersiam proba-  
ta, & in usum citra omnem suspicionem recepta, ad-  
disquisitionem per sciolos nonnullos, rerum cupidos no-

uarum, reuocata esset. De qua re, postquam in publico congressu diuersorum opiniones exploratae sunt, & audita, necessarium quoque visum est (quod facile quiuisset consueretur) ea litteris tradere, quae veritatem patefecerent, atque illustrarent.

Dubitatum est igitur de huius ligni tum genere, tum salubri facultate: propterea quod lignum sanctum verum non videatur: Sed (ut quibusdam persuasum est) nouum sit ligni genus, nunc primum Romam delatum, & illud syluestre, ac fabrorum potius opificijs, quam medicinae idoneum. quod minus pingue sit, ut pote ex quo oleum extrahatur minore copia, quam ex ligno ipso sancto. quod ei cortex non adhareat vehementer, sed facile decidat. quod rimis nonnullis dehiscat. quod ex nauigatione vitium aliquod contraxerit. quod ex eo decoctum (ut vocant) conficitur acrius multo, quam ex alio quodam genere, quod solum vere lignum sanctum, & guaiacum à nonnullis creditur. quod demum obseruatum sit illis, qui huius decocto, usi sunt, nocuisse. Verum, ut intelligatur, quale sit hoc ligni genus, de ligni sancti nominibus, & differentijs necesse est nonnulla ex auctoribus repetere. Atque illud in primis ex Fallopio, qui libro de morbo gallico cap. 39. inquit, habemus igitur guaiacum, & lignum sanctum, quamuis in consultationibus sumamus has arbores indifferenter: quibus verbis significauit, illud, quod vere guaiacum est, ex descriptione Consalui Ferdinandi, vocari consueuisse lignum sanctum. Quae sunt

Nominum  
confusio.

nominum confusio Brasauodi quoque tempestate, qui libro de morbo gallico, differens de guaiaco, inquit, vocatur & lignum sanctum, & palum sanctum, & lignum crucis. hæc ille. Cumque iam diu prodictum sit, lignum, quod ex insula Sancti Dominici ferebatur, dictum esse guaiacum, & quod ex insula Sancti Ioannis dictum esse lignum sanctum, tamen Alphonsus Ferrus scribens de morbo gallico, & ligno sancto, duo hæc, & tertium, quod ex insula sanctæ crucis vehebatur, vocauit promiscue lignum sanctum. itaque de nomine certandum non est, statuendumq; ligni sancti nomine guaiacum etiam significari.

Sunt igitur duo iam ligni genera, hoc nomine alterum, cuius fuit Roma postremis hisce temporibus vsus admodum vulgaris, & frequens, meditulliumq; habet nigrum quidem, aut nigrescens ex rufo, sed orbe non magno, nam lato valde circundatur albente circulo (vocamus autem nigrum, licet aliquando color videatur medius nigrum inter & rubrum, & leonatum appellant) alterum vero, cuius non fuit his eisdem temporibus frequens adeo, & vulgaris vsus: cuius nigrescens meditullium tantum est, vt albens circulus vix æquet digiti crassitudinem. estque in hoc genere varietas aliqua, nam alterum habet medullam altero nigriorem. Sed est genus tertium ab his diuersum, quod nigri quidem habet plurimum, sed partem albam distinctam habet nigris intercurrentibus latis maculis, fere quadrangularibus, quibus externus ille circulus

Ligni sancti  
differentia.



ex albo, & nigro distinctus, corona cuiusdam speciem exhibet, cuius decoctum amarum quidem, sed absque acritudine percipitur. videtur denique genus quartum esse, quod rufum est fere vniuersum, cortice excepto, quodque in eius medio nigri aliquid apparet, cuius decoctum est sine acrimonia modice amarum, de quo Brasauola locutus est, ut paullo post visuri sumus.

Sed neque de hoc, neque de tertio genere controuersia erat, deque neutro locuti sunt, qui secus opinantur. Sed quaesitum est de secundo genere, ac primo: Vtrum sit vnum ligni genus, an duo, quorum alterum sit lignum sanctum, alterum minime: hoc igitur explicandum est, quo etiam vtrum sit praestantius, & efficacius intelligatur.

Lignū pro-  
positū utrū  
sit lignum  
sanctum.

Constat igitur primum, neutrum horum esse genus illud tertium, quod Fallopius negabat reperiri eius tempestate, quoniam illud erat sine vlla nigredine, & substantia constabat tota, ut ille inquit, flaua. cuius tamen generis aliquid Romæ videmus à pharmacopolis exponi, cuius aliud pene nihil habet nigri, aliud minimum. quod non est positum in controuersia. Nec est hoc, de quo differitur, quartum illud à Brasauola descriptum, cuius meditullium fere totum erat rubrum, de quo nihil aliud docere potuit, nisi id, quod pharmacopola quidam Venetijs dicebat, lignum esse Indicum, & saluberrimum, cum alioqui Brasauolus eo numquam se usum professus sit, nisi decepti sint, quod pro diuerso ge-

nere



nere acceperint, illud, cuius meditullium interdum, (ut dictum est) ex nigro vergit ad rubrum, cum vnum sit, atque adeo quare hoc esset alterum ex dictis: quod est valde probabile, cum facile sit in re noua, & paucis bene cognita, labi, & decipi.

Sed neq; sunt duo illa ligna ex vna & eadem arbo-  
re, ut alias quidam existimarunt, qui sibi persuaferunt,  
nigriora ligna ex trunco casa, minus nigra ex ramis:  
Non ita res habet, nam, si non conuiuentibus oculis rem  
exploremus, facies eadem in maioribus lignis, atque in  
minoribus apparet, cuius scilicet arboris truncus ha-  
bet exiguam nigredinem, eiusdem & rami habent exi-  
guam, & cuius truncus amplam habet nigredinem, eius-  
dem, & rami amplam habere reperiuntur. ergo non est  
arbor vna, sed duas esse necessarium est.

Si queratur, ex his utrum sit Guaiacum nuncu-  
pandum, dicam, vel. Vtrumque, vel id, quod orbem  
internum nigrum habet amplissimum, & albente an-  
gusto circulo vestitur: namque huic illa congruunt ada-  
mussim, quæ de Guaiaco auctores, huius rei studiosi,  
iamdiu antea prodiderunt. Vtrumque Guaiacum dici  
posse, Manardi Ferrariensis auctoritate comprobari  
potest, qui, in epistola ad Cracouiensem Episcopum,  
vtrumque descripsit: cumque tertium dicat vocari pro-  
prie lignum Sanctum, & primum vocet guaiacum: de  
secundi nomine nihil dicat; si tertium proprie lignum  
sanctum dicitur, reliquum est, ut secundum quoque  
Guaiacum dicatur. Quod si cui hæc argumentatio mi-

Nome  
iacum  
conue

nus arrideat, saltem *Monardus* docuit, primum genus, cuius pars interior nigra magna est, exterior autem alba modica; *Guaiacum* esse, atque adeo lignum hoc, cuius est usus *Rome* minus hodie frequens, ipsissimum *Guaiacum* esse, intelligitur. quodque descriptum est à *Monarde* *Hispalensi* medico ( cui multum hac præsertim in re tribuendum est ) hoc ipsum est, aut nullum, cum dicat, *Guaiacum* habere matricem magnam, & nigricantem: cum alterum, cuius est usus hodie frequentior, matricem, vocatam, nigricantem habeat exiguam: quod tamen non negauerim esse ex *Guaiaci* genere, sed equidem dixerim, esse aliud ab eo, quod est à *Monarde* descriptum; ad cuius manus, par est, tantum illud peruenisse, quod ipse descripsit, qui cum faciat illius quoque mentionem, quod ex insula *Sancti Ioannis de portudiuite* affertur; quod ait esse priori quidem simile, sed inferius magnitudine, & propemodum sine matrice; hoc non primum est, ut ille ait, nec secundum potest esse: nam secundum quoque matricem habet nigrescentem, & eam satis magnam, etsi minorem ea, quæ in priore ligno est amplissima: & præterea non est arbor priore inferior celsitudine: vidimus enim *Rome*, atque nunc exstant, crassissima ex eo trunco ligna, quæ excelsam non minus priore arborem hanc esse demonstrant. Itaque necesse est, statuere, secundum hoc genus fuisse *Monardo* incognitum. *Consalvus Ferdinandus*, qui naturalem *Indiarum* historiam primus scripsit, & primus orbi nostro lignorum huiusmodi figuram ver-  
 bio

bis exhibuit; cum dicat, Guaiacum non solum nasci in  
 insula Sancti Dominici, Sed celebre quoque illud esse;  
 magnique aestimatum, quod ex insula beata veheba-  
 tur, & Indos alios, atque alios, Guaiacum aliud, at-  
 que aliud, ut illis videtur, seligere, dicatque Guaia-  
 cum habere materiam propemodum nigram; nec de am-  
 plitudine eius, vel angustia, quicquam scribati locum  
 relinquit nobis in relligendi, Guaiaci nonnullam esse  
 varietatem, praesertim ex soli varietate, quamobrem  
 aliud matricem illam nigram habeat alio vel amplio-  
 rem, vel angustiore. itaque relicto tertio ligno; quod  
 in insula Sancti Ioannis nascitur, cui peculiariter fuit  
 nomen lignum sanctum; duo dicimus esse Guaiaci ge-  
 nera in Vrbe, illaque in primis mutuo dissidentia ma-  
 tricis nigrescentis amplitudine. Quorum illud, quod  
 matricem habet amplissimam, non est nuper in Vrbem  
 delatum, sed multos iam ante annos. quod aromatarij  
 testantur multi, praesertim seniores, & mercatores &  
 affirmatum est (quod maioris ponderis testimonium est)  
 ab homine Romano, medicoque clarissimo; qui cum sum-  
 ma laude, & admiratione annos fere quinquaginta  
 exercuit in ipsa Vrbe medicinam; Alexandro Petro-  
 nio, scribente de morbo gallico. iam ante annos triginta  
 sex: is enim libri quarti capite primo, caute admodum  
 haec lignorum genera describens, qua in Vrbem ad il-  
 lud vsque tempus delata, testatur, primum ait genus  
 vocari Guaiacum, cuius interior pars nigricat, exte-  
 rior sub pallida, & veluti lincis. quibusdam ad fuscum  
 incli-

Lignum  
 quo agi  
 non est  
 uñ in Vr

inclinantibus, ac æque distantibus per longum interse-  
 cta. alterum vero peculiari nomine carere, cuius pars  
 exterior magis ad album vergit, neque est tam mani-  
 festis lineis distincta, interior vero nigrum quidem co-  
 lorem ostendit, sed minori orbe, quam prius. Ergo li-  
 gnum hoc aliorum nigerrimum Roma non iam primum,  
 sed diu ante vidit, & experta est. Sed non Roma solum  
 verum & reliqua Italia: namque Manardus Ferra-  
 riensis loco ante dicto duo hæc eadem ligni genera descri-  
 bit, quemadmodam & tertium, quod totum est album,  
 ut à Petronio quoque dictum est, cuius generis hodie  
 quoque trunci quidam visuntur: idque peculiariter li-  
 gnum sanctum dicebatur, de quo non agitur. Sed &  
 Brasauolus item Ferrariensis, eadem duo genera co-  
 gnovit, & testatus est, primum genus proprie Guaia-  
 cum vocatum esse, cuius est ampla, nigraque medulla.  
 Qui ergo ligni genus hoc opinantur novum esse, toto aber-  
 rant calo, decepti eo, quod mercatores secundum genus  
 (quod nec nomen habere proprium Petronius ait) Ro-  
 mam crebrius detulerunt, eiq; adsueti pharmacopola  
 quidam, mixtionem magis, quam recognitionem me-  
 dicamentorum edocti, cum primum degustarunt genus  
 hoc, diuersitatem admirati, & veritatis ignari, li-  
 gnum sanctum esse negarunt, quasi sanctū sit alterum,  
 cuius frequentiore usum cognouerant: cum tamen  
 neutri nomen hoc à primis auctoribus inditum sit, sed  
 uni tertio generi, de quo non differitur. inualuit  
 tamen consuetudo, ut omnia promiscue genera li-  
 gnum

gnum sanctum vocentur, ut ante dixi.

Quod vero quidam sylvestre genus hoc esse dicant, Lignum s-  
cctum omni-  
sylvestre. hoc sane (nisi ioco dictum sit) plane ridiculum est. Si quidem traditum à nemine sit, harum arborum genus cultum satum, cultuque, non sponte nasci, nec in sylvis provenire: Hac late colles, campique patentes, Hac omnis, vestitur ager, inquit noster Fracastorius, quamquam poetarum licentia posterius cecinit, Hanc gens illa colit, studioque educere multo Nititur: sed qui rerum Indicarum historiam prodiderunt, de huius ligni cultura ne verbum quidem. atque Consalius Ferdinandus testatus est, tanta copia in insula Sancti Dominici provenire, ut eo intelligatur, sponte nasci, & absque cultu: & idcirco sylvestre esse arboris genus: quamobrem Vanum sit existimare lignum aliud sylvestre sanctum, & aliud satium esse. posset dici satium, quod translatus in aliud calum ab Indis remotum, satumque ortum est, cuius sunt planta Romae nonnullae, quarum tamen ligna, neque acrimonia, neque amaritudine possunt cum eo, quod ex Indis affertur, comparari. Sed apud Indos genus aliquod esse satium, hoc neque Consalius dixit, neque alius quisquam eiusmodi auctor historiae. Omne igitur lignum sanctum sylvestre, quod si tandem sit aliqua sylvestris, & satini differentia, illud potius sylvestre dicendum est, cuius nigrum est angustius meditullium, quoniam ligni eius superficies saepe inequalis, & tuberosa reperitur (ut solent illae esse arbores, quibus cultura nulla adhibetur)

quam alterius, cuius est amplissimum medutullium, le-  
uisque superficies, & minus inaequalis.

Sunt ergo vere duo Guaiaci genera (vel duae species,  
si malis ita dicere) alterum quod medulla nigra con-  
stat amplissima, alterum, quod eadem constat angustiore.

Oleum ex  
Guaiaco.

Nec moueat aliquem, quod Fallopius dicat, oleum  
è ligno sancto copiosius exprimi, quam ex Guaiaco: nam  
loquebatur de tertio genere, cui peculiare nomen fuit  
lignum sanctum, ex Insula Sancti Ioannis, non autem  
de secundo, cuius usus fuit his annis Romae frequen-  
tior, ut ante dixi: quamobrem si recuset aliquis ap-  
pellare primum genus lignum sanctum, cogitur is &  
secundum pariter genus recusare: alioqui compertum  
est, oleum ex Guaiaco primi generis copia non minore,  
quam ex altero, educi, & sunt haec Antonij Galli ver-  
ba, Guaiacum unguinosum, ut à quo accenso resina  
profluat. palus vero crematus nullam, aut perexiguam  
exudat pinguedinem. Sed quid si ex eodem penitus ar-  
boris genere lignum aliud plus, aliud minus olei effun-  
dat? eoque efficiatur, ut ex ligno sancto propria dicto  
altius plus, alias minus olei, quam ex guaiaco extra-  
hatur: quamobrem auctores, nondum satis re: quippe  
nova, nec de facie satis, neque tam multis experimen-  
tis explorata, & cognita; potuerint de re eadem con-  
trarium vere affirmare, atque adeo opus sit ex alijs,  
non ex olei copia, vel inopia, de Guaiaci, & ligni san-  
cti natura, & viribus cognoscere, & iudicare.

Cortex cur-  
cile deci-  
at.

Nec moueat etiam, quod illi cortex facile decidat,

nec



nec adeo ligno adhæreat, tamquam non illud sit, quod à Fernelio describitur, à quo laudatum illud est, cuius cortex proxime adhæret; namque Monardes Hispalensis ait, cum Guaiacum siccat, corticem facile decidere: Neque à Fernelio damnatur lignum, cuius cortex minus adhæret ligno, quasi non idem sit genus, sed ei præfert in eodem genere aliud, cuius cortex adhæret magis: quia signum hoc est ligni non verioris, sed recentioris, itaque & utilioris. quæ fuit Fallopij quoque admonitio.

Nec item moueat, quod Vlrichus ab Hurten scripserit, optimum rimas non facere, quas in priore ligno interdum vidimus: quoniam aliud est, lignum tamquam falsum, & adulterinum damnare, quam in eodem genere eligere, quod est optimum. Accedit Vlrichum non negasse rimas, sed tantum, à se nondum visas, professum esse, inquit enim, ut quàm minimum hiet, neque enim adhuc vidimus, qui rimas traxisset, & qui vendunt fatiscere negant. hæc ille. sed tempus postea docuit, etiam fatiscere, itaque Fernelius, neque facile videas, quod rimas traxerit. hoc non est simpliciter, & omnino rimas negare. Sed est præditum à Palmario lib. 1. de lue venerea cap. 10. lignum guaiacum sepe debiscere, & rimis, ac fissuris diffindi. quod & nos interdum vidimus. itaque rimæ non faciunt generis siue speciei differentiam.

Quod vero sit lignum hoc fabrorum opificijs accomodat, non est ridendum: quoniam Consalius idem

Rimæ  
Guaiaco.

Guaiac  
opificijs  
comodat

testatus est, ex Guaiaco apud Indos rotarum fieri radios, & instrumenta ad saccharum conficiendum. Nec propterea minus ad vsum medicina recipi debet: namq; & Ebenus, opificiorum elegantie nata, locum habet inter remedia. quod de santalo, & de ligno aloe vocato. verum est, ne dicam de margaritis, de hyacintho, zaphi- ro, carbunculo, & alijs gemmis mulierum maxime or- natui nascentibus, nec minus ad morbos curandos con- quisitis.

Utrum autem vitium aliquod ex navigatione con- traxerit, de hoc sane dubitare, ad docendum; hoc ligni genus esse, aut non esse lignum sanctum, nihil conducit: cum in eodem prorsus genere, aliud vitio carere, & aliud quoque possit vitiosum esse. Fallopius certe docuit, non posse nos uti lignis huiusmodi recentibus ob lon- gam navigationem: quamobrem, & rancida fiunt: at hoc non est dictum de aliquo peculiari genere, sed gene- ratim, & vniuerse: quia ob regionum distantiam ve- terascit prius, quam ad nos comportetur. potest etiam cortex ob tenuitatem vitium contrahere, si tangatur à maris aqua. Lignum vero crassum, & solidum non adeo facile, illud probabile non est, maiorem inde acri- moniam oriri; quæ tamen horum lignorum laus est præcipua.

Quod vero in decocto damnatur acrimonia, quam ob rem & linguam, & fauces pungit, & vellicat: hoc illud est, quo id altero præstantius, & efficacius cense- ri debet ad lucem veneream debellandam, sed illud ani-  
maduer-

vitium ex  
navigatione

acrimonia  
ligno san-  
daudata.

maduertere pretium operę est, Antonium Gallum, negasse, acrimoniam in ligno sancto, cum de ligno loqueretur, ex insula S. Ioannis delaso; sed non de Guaiaco, de quo nostra est disputatio. sed non est minor de hac re auctorum. Varietas, quam de oleo, & horum lignorum pinguedine, ut ante dixi. Ioannes Manardus epistola illa secunda ad Cracouiensem Episcopum dicebat; genus tertium, quod nigri nihil habet, ideo præstantius esse, quia esset acrius, atque odoratius; cum à Gallo contraria de hoc eodem ligno tradita sint. habemus tamen ex Manardo. Si, qui lignum hoc damnant, iidem fatentur esse, quam alterum acrius; valentius quoque esse, si non dicere, saltem sentire, eosdem cogi. Cumque alterum, quia minus est acre, ideo multis placet; hi sane illud probant, quod est infirmius, & aduersus contumaces egritudines minus potens, & gratię magis videntur fludere, quam egrotorum incolu-  
mitati. quodque acrius est, illud potest aqua temperari, quod est minus acre, non potest aque mixtura maiorem acrimoniam recipere. Sed & Antonius Gallus. cap. 4. lib. de morbo gallico; cum potum vellet mitiorem conficere, curabat partem nigram demoueri. Sed non est vltus tam rudis medicus, qui ignoret, ex eodem ligni genere, pro varia hominum natura, & morborum, varium fieri posse, ac debere Decoctum nuncupatum: hocque præstari etiam, portione aquę dempta, vel addita consueuisse. Dotes autem ligni huius esse acrimoniam, & amaritudinem, Fallopius diserte docuit in cap. 41. in-  
inquiens,

Decoctū  
gni sancti  
ut mitius  
fiat.

Dotes huius  
sancti.

„ inquit, Primum si deradatur statim percipiemus duo,  
 „ amarorem quendam, quo explebitur totum os, dein-  
 „ de acredinem insignem, quę stimulat palatum, tertio  
 „ si decoquamus in aqua, primum amarescit in ore, dein-  
 „ de mordicat. Et cap. 44. Si decoctum sit turbulentum,  
 „ valde amarum, Et acce, bonum est, Et c. Et huiusmo-  
 di decoctum est, quod ex hoc fit ligno, da quo differitur.  
 quod omnino profiteor esse præstantius, quoniam præter  
 modo dicta, communis auctorum consensus est, illud  
 lignum sanctum præferendum, Et tamquam optimum  
 eligendum, cuius pars maxima nigrescit interior. hoc  
 ait etiam Massa scribens de morbo gallico tract. 1. c. 2.  
 ait V lricus ab Hutten cap. 6. Aloisius Robera cap. 4.  
 Antonius Gallus in præfatione de ligno sancto. Ioannes  
 Baptista Montanus epistola quinta. Benedictus Vi-  
 ctorius cap. 4. Fernclius lib. de luc. venerea cap. 10. Et  
 cum eo Palmarius loco dicto. Et Fallopius cap. 44. item  
 Monardas, Rinius, Friizimelica, Tomitanus. Et  
 Mattheolus in opusculo de morbo gallico testatus est,  
 Medicis videri valentius, id, quod in superficie santalo-  
 rum citrinerum colorem, medio nigrescente, refert. Ac  
 si quando idem Mattheolus nigrum minus aestimavit,  
 hoc ideo fecit, quoniam sibi sinxerat, ligni huius genus  
 vnum esse, differre sola etate: atque ideo nigrum ve-  
 rustius, Et efficax minus. Sed iam constat, Guaiacum  
 esse nigrum natura, non etate, superiusque dicta est ratio.  
 Sed non amittam, quod posset studiosus suspectam  
 habere acrimoniae vehementiam, quoniam Petronius  
 lib.

Lignū san-  
 ctum opti-  
 mum ex cō  
 sensu aucto-  
 rum.

Dub. de a-  
 crimoniz  
 vehemētia.

lib. 4. cap. 1. & 3. modicam tribuit tum Guaiaco, tum ligno sancto acrimoniam: itaque scire licet, si horum comparemus lignorum amaritudinem fellis, & aloes amaritudini, hanc non esse magnam, sed mediocrem: si item eorumdem acrimoniam cum scilla acrimonia contulerimus, horum esse modicam: si vero eadem ipsa ligna inter se conferantur, alterius tum amaritudinem tum acrimoniam posse magnam, alterius vero modicam videri, & iure appellari.

Nec illud præteribo: necessario accipiendum esse, hæc ligni genera differre inter se plurimum, aut solo, aut ætate, aut, fortasse, cadendi tempore, aut post incisionem longo, vel breui temporis curriculo: eoque evenisse, ut de eodem genere varia interdum fuerit auctorum sententia: nam quod palles intus, & extra, Petronius illud amarius, atque acrius cæteris prodidit, quod & ante Manardus scripserat: quod vero nigri plurimum, albi vero coloris minimum habet, illud omnium minime esse tum acre, tum amarum. At nos hac tempestate observauimus sapius, quod plus habet nigredinis, illud esse longe acrius, sed minus amarum, quam alterum, cuius est minor internus orbi niger, quod pollet amaritudine sine ulla acrimonia: ne dicam, quod Rome satum est, omni tum acrimonia, tum amaritudine carere. quæ obrem si quis de altero genere dubitet ob acrimoniæ vehementiam, is & de altero dubitare debet, quia caret eadem, qua prædictum esse auctores volunt, atque si vera Consalius prodidit de ligni sancti præstan-

Cur var  
de eodem  
gno dista

cia, & viribus, quibus superare Guaiacum testatus est, non eo tamen efficitur, lignum, de quo disseritur, Guaiacum non esse.

experimen  
a.

Nec demum moueat quemquam, quod dictum sit, lignum hoc, de quo dubium exortum est: nonnullis obfuisse: quia nihil est tam salutare, quod interdum non obsit, si importune exhibeatur, atque adeo modus est castigandus, non autem remedium damnandum: alias (vt omittamus ea, quæ hætenus Romæ visa sunt, quæ infinita sunt) Brasanolus primo genere, quod Guaiacum proprie diximus, & nigrius esse, ait, se frequentissime vsum esse, raro autem altero, quod lignum sanctum peculiariter vocabatur, numquam autem tertio illo, quod rubrum esse scripserat. At vir ille bonus non esset vsus creberrime auxilio periculoso, & cuius vanos successus expertus esset. nec alia de causa tot alij magni nominis auctores lignum hoc, quod & habet medullam plurimam, & acrius est, alteri prætulerunt, quam quod multis sibi compertum erat experimentis.

Nec trepidare debet aliquis, quod Consalius de ligni sancti proprie dicti viribus secus scripserit: quia quod est Indis saluberrimum, potest esse minus salubre in hoc calo ab Indis valde remoto: potestque lignum sanctum, cum casum est, diutina mora vires suas celerius, quam Guaiacum amittere. Sed nec ignoramus in obseruandis rebus, & euentis, quam multa occurrant, quæ doceant, vere proditum à viro maximo, experimentum fallax.


Ergo



Ergo non est unum Guaiaci, siue ligni Sancti genus, sed plura, duo autem vulgatiore, quorum illud est prestantius, quod medulla nigrescentis plurimum habet, & modice albente circulo circumdatum est: atque non sine amarore, pollet magis acrimonia. nullo pacto damnandum, & reiiciendum, immo maxime optandum, ac hortandi mercatores, ut huius, quam alterius, copiam non minorem importent, sinantque tum ipsi, tum pharmacopola, ut medici pro illorum peritia, & prudentia, pro agrorum, inquam, & morbi natura rerum quarumcumque salubrium delictum habeant.



M A R S I L I I  
C A G N A T I  
D E L I G N O S A N C T O  
A L T E R A D I S P U T A T I O .



*E* T S I *videri potest de ligno sancto*  
*priori disputatione satis dictum in*  
*eum finem, cuius gratia suscepta*  
*est à nobis hac disputatio, tamen*  
*supersunt nonnulla, quæ rei, de*  
*qua agitur, studiosos latere mini-*  
*me debent.*

*disputatio*  
*causa.*

*Scire igitur licet, ortam esse anno elapso 1601. inter*  
*duos Urbis mercatores litem, propterea quod alter li-*  
*gni sancti, eiusque vsitati, magnū satis pondus alte-*  
*ri vendiderat, qui admonitus; non esse illud lignum*  
*sanctum vsitatum, sed sylvestre quoddam ligni genus,*  
*& illud quidem tamquam in salubre damnandum, &*  
*reiiciendum; recusauit dicti ligni pretium, quod, scripto*  
*etiam cauens, fuerat pollicitus, venditori soluere:*  
*quamobrem orta lis est: cuius dirimendæ causa perito-*  
*rum consilio petito, ad medicorum collegium res dela-*  
*ta est, quod, re diligenter pensata respondit, lignum pro-*  
*positum*

posicum ligni sancti speciem esse, & ad morbi gallici curationem, ut alia etiam ligni quadam genera, recipi posse. eoque nomine venditoris caussa superior euasit. Sed eo minime contentus emptor, appellauit, quamobrem commissa res est Camera Apostolica praesidi, qui medicis extra Collegium celebrioribus, & aromatarijs multis conuocatis, & singulorum sententijs exquisitis, intellexit venditoris causam meliorem esse, vno vel altero excepto aromatario, qui emptori fauebat. emptor vero praesentiens causam hic quoque suam inferiorem reddi, ante quam praeses sententiam ferret, nouis oblatiis summo Pontifici libellis obtinuit, ut denuo à peritis viris de re eadem ageretur. Itaque nomine Sanctissimi ego, qui Protomedici munere fungerer (cum acta sint priora Odoardo Lopio eundem magistratum gerente) Collegium conuocaui nostrum, & extra Collegium medicos, quot quot adesse vellent, inuitaui, & aromatarios, & alios, qui ligni sancti, pro eorum professione, notitiam aliquam habere poterant, quibus omnibus, & singulis datus est dicendi locus, & auditi quicumque aliquid dicere voluerunt; illis vero tandem dimissis, Collegium denuo pronuntiauit, & notario mandauit, ut quod actum erat, hunc in modum describeret.

Facta congregatione in gymnasio Romano, ad quam conuenerunt perillustres, & excellentissimus Dominus Iacobus Bonauentura physicus Secretus S. D. N. Collegium medicorum, atque medici multi extra Collegium, Consules aromatariorum, vna cum pluribus

Decre  
Colleg

alijs aromatarijs, atque vnus saltem drogherius, ac quidam ex stupharolis vocatis, qui sunt experimentatores ligni sancti, fuit proposita questio.

An lignum, quod dicitur Corradi, sit reale lignum sanctum, ad medicinam adhibendum, nec ne; Auditis igitur sigillatim supradictis omnibus, eorumque rationibus examinatis: insuper visis, & recognitis truncis tam ligni sancti Corradi, quam alterius hactenus vssatis, decoctisque cuiuscumque ligni varijs, ac oleis diligenter examinatis, cum medici omnes extra collegium, & aromatarij pro maiori parte, ac praesertim horum seniores, & peritiores; accedente omnium praedictorum simili consensu, excepto drogherio; amplexi essent partem affirmatiuam, Collegium praedictum (annuente eodem perillustri, & excellentissimo domino Iacobo S. D. N. medico secreto) decreuit, lignum Corradi, de quo disputatum est, esse idem lignum sanctum, quod vulgus ita solet vocare lignum sanctum: atque debere ad vsum medicinae recipi, aduersus eos morbos, quibus lignum sanctum adhiberi solet, nisi quatenus aliquid eius aquae marinae contactu vitium contraxerit, quae medicorum cura debet esse, vt, cum exhibendum est, id, quod vitio caret, eligatur.

Haec igitur hunc in modum acta sunt, non in angulis, non in tenebris, sed in hominum luce, publico, & per quam celebri loco.

Scire insuper licet, lignum dictum Corradi (quod nomen est illius mercatoris, qui lignum vendiderat, de

quo

Lignum de  
quo differi-  
tur quod-  
dam sit.

lit. ad.

Et. 39. Et. 7.  
Et. 39. Et. 7.  
Et. 39. Et. 7.

quo lis est orta ) esse illud , quod ( vt in priori disputa-  
tione dictum est ) medullam habet nigram plurimam ,  
circulo angusto albente circumdatam , cuius nomen pro-  
prium , ex traditis ab Hispano , primo historiae horum  
lignorum auctore , esset Guaiacam , si quidem ligni san-  
cti appellatio tamquam propria indita est alteri , quod  
nasci prodiderunt in insula S. Ioannis portus diuitis ,  
cuius angustior est niger orbis ligni medium occupans  
instar medulla . Verum ( vt ante quoque dictum est )  
vulgus utrumque , & omne aliud simile , lignum san-  
ctum promiscue appellat : qua & nos utimur appella-  
tione , quia ( vt est vetus , & peruulgatum dictum ) lo-  
quendum , vt plures .

Cum autem sit euidentis quadam lignorum differen-  
tia , in priore disputatione exposita , non erit accusan-  
dus qui dicat plura esse huius ligni genera , quoniam  
probatissimi quoque auctores in vsu vocabuli huius ,  
Genus , saepe normam spreuerunt dialecticam , cum enim  
sit vnum genus , vel rectius vna species animalis ho-  
mo , tamen dici solet hoc & illud hominum genus , certe  
M. Cicero scriptum reliquit , rem eandem saepe alij ge-  
nus , alij partem esse , sic enim homo animalis pars est ,  
Vrbani , & Troiani genus : & alibi dixit de Antonio  
duo genera lenonum , & latronum delectarunt : est ( in-  
quam ) vnum hominum genus , tamen dicuntur homi-  
nes quoque genere differre , vt scilicet differunt vel  
sexu , vel aetate , vel natione , vel officijs , & huiusma-  
di . immo ipse Arist. lib. 6. de histor. animal. ait canum  
esse

Lignifa  
plura ge-  
ra.

esse plura genera, καὶ ὁ Ἰν, tamen canis pars est, siue species animalis. Quercus est planta, & arboris pars, siue species, tamen Theophrastus lib. 2. de plantis dixit, huius genera alijs quatuor esse, alijs quinque. Ἰν μὲν οὖν οἱ μὲν τέτταρα ποιοῦσιν οἱ δὲ πέντε, quibus similia sunt admodum multa. Longe vero minus arguendus, qui plures esse huius ligni species affirmet, quando inter illa sit talis varietas, atque similitudo, qualem inter plantas alias multas haud dubie esse obseruatum est, & est in confesso apud omnes. quanta est inter vites dissimilitudo? tamen non negamus esse generis eiusdem species, nec dicimus vnā esse veram vitē, alias vero adulterinas, falsasque esse. quid de prunis dicam, de malis, piris, ficibus? quanta varietas, quanta dissimilitudo? idem tamen est nomen, & generis eiusdem parteis esse nemo diffitetur. Quis ergo Zalcocus, aut Charondas legem fixit, vnū esse tantum ligni sancti genus, aut speciem vnā, falsas esse præter hanc vnā reliquas? Consalius in insula S. Dominici vocatum Guaiacum vidit, & descripsit, deinde in insula S. Ioannis similem huic arborem, non sine aliqua tamen differentia; quamobrem & aliud nomen inditum; nec ausus affirmare eandem esse speciem, sed inquit, Dos arboles ay mas notables, non ait vnā arborem, sed duas, non numero differentes, quia sunt numero infinite, sed specie, quamquam testatur, multos opinatos ambas ex eadem esse specie, siue genere. sane si nulla inter illas dissimilitudo extitisset, dubitatum non fuisset, esset



esset ne eadem, an alia arboris species: operis ille differentiam scripsit, quod altera esset in curandis morbis efficacior. ceteris ligni facies etiam diuersa, quia nigrius alterius meditullum, non etate, sed genere, & natura, ut in priore disputatione dictum est. alij saporis quoque & odoris diuersitatem adnotarunt. sed quæ maior, quam inter rosas differentia? rosas tamen esse dicimus frustra itaque certatur, sit ne vnum tantum, an plura ligni sancti, siue Guaiaci genera. & recte statutum est, plura esse. genus, inquam, vnum, plures species, & ex his vnā illam esse, de qua lis orta dicitur.

Sed non miror, nec mirari quisquam debet, litem hanc ortam esse. ante annos quinquaginta Augerius Ferrerius libro primo de pudenda, cum tria genera ligni Indici ex Manardo retulisset, hac subiunxit de suo, Si tu officinas, & mercatores adieris, tam confusas inuenies apud eos has differentias, ut quid sit lignum sanctum, quid Guaiacum, monstrantibus illis, discernere nequeas: primum enim genus plerique pro ligno sancto (Manardus scilicet Guaiacum hoc vocabat) & tertium pro Guaiaco (Manardus lignum sanctum vocari dixerat) ostendunt, in quem errorem etiam incidisse constat scriptores quamplurimos. sunt enim qui, quod ipsi lignum sanctum vocant, fuscum, & flavum eligendum censent: quos colores primo, & secundo generi attribuit Manardus. Sunt qui Guaiacum albicans describant, & ceteris præferunt. Sed posthabita nomen

Appellatum ligni sancti confusio.

„claturarum ambiguitate“, de rebus ipsis sic statue-  
 „mus, Tria illa genera pudendagrae conuenire, præ-  
 „stare acrius, & odoratius: Minus acre, & minus odo-  
 „raturum, minus calefacere, nec adeo siccare. Præstan-  
 „tius illud calidis, siccisque temperaturis minus conue-  
 „nire, ceteris magis prodesse. Hæc ille sane probabiliter,  
 & quod ait de confusis nomen claturis est omnino verum.  
 Et sunt duo hic animaduertenda alterum non vni stan-  
 dum Consaluo, qui primus ligni huius historiam orbi no-  
 stro communicauit, quia nondum noui orbis provinciæ  
 erant perlustratæ omnes, quæ nec hodie sunt, itaque  
 nec omnis medica materia, quæ apud Indos exstat, pri-  
 mis auctoribus satis cognita. alterum, cum diuersa  
 sint, licet eiusdem generis, arbores; ut sunt apud nos  
 prunorum, cerasorum, pirorum & similium diuersæ;  
 illas se mutuo superare colore, & sapore, & efficacia,  
 vel ob ætatem, vel ob soli, calique varietatem, quem-  
 admodum proditum est in primis à Theophrasto, ex cuius  
 libro sexto de plantarum causis, ex capitibus scilicet  
 17. 22. 26. 27. & 22. quæ huc spectant, studiosis per-  
 legenda, & hinc loco aptanda relinquo.

Quod vero ad vsum medicine lignum hoc recipien-  
 dum sit, quemadmodum Collegium decreuit, quis est  
 tam non dicam medicine ignarus, sed ineptus, qui ve-  
 get? an nescias, nihil esse in hac rerum vniuersitate,  
 quod in orbe medico locum non habeat? ipsa venena sunt  
 etiam medicamenta, & ex animalium quisquilijs, & re-  
 crementis medicæ opes auctæ sunt, est in omnium mani-  
 bus

bus Galeni liber de simplicium medicamentorum facultatibus decimus, & undecimus. quis ergo rejiciat lignum iamdiu receptum, & innumeris experimentis probatum, & in quo nulla vis est, qua possit obesse, nisi si quid per imprudentiam medicus committat, quod in omni officio, & in cuiusvis medicamenti usu cauendum est maxime. At dicendum semel est. Vbi coties factum est huius ligni periculum, quamobrem insalubrem usum eius cognoscere valeamus? in angulo sane aliquo, in latebris. At contra, prioribus annis Antonij Mariae Saluiati, & hoc ipso anno Petri Aldobrandini Cardinalium auspicijs, & munificentia, in valetudinario Sancti Iacobi incurabilium (ut vocatur) millia hominum hoc quoque usi sunt ligno, magno fructu, non solum aduersus luem veneream, sed alias quoque agitudines, aduersus quas utiliter administrari consuevit. nec interim quisquam oris, fauciumque, aut ventriculi aestum, incendium, inflammationem, dolorem, aut excoriationem sensit. Non tamen omnibus profuit, ac fortasse nonnulli obfuit: Sed hoc est commune vitium non alijs solum Indici ligni generibus, sed omnis generis medicaminibus, quam rem in priore quoque disputatione tetigimus, in qua dicta sunt etiam nonnulla de acrimonia eiusdem ligni, quam ut nimiam ignari quidam, an ignauis dānabant. immo licere aquam parare ex pipere, ligno omisso, quasi sanniones risu obstrepebant. Verum, ut acrimoniae modus ponendus sit, superius dictum est. Luem vero gallicam non sola ligni Indici acrimonia

monia oppugnat, sed (vt doctis viris visum est) pinguedo, & lentor cum amarore, quæ in pipere non sunt: quod tamen & ipsum calefacit, siccatur, per halitum digerit, atque adeo ad sudorem prouocandum efficax: cuiusmodi sunt multa; neque enim contenta uno liberalis, & munifica natura est, gaudetque varietate, vt proffit magis, & delectet, sed nec minus vt hominum ingenia sollicitet, atque exacuat.

Sed redeo ad lignum, in quo non solum acrimoniam (de qua dictum est satis) damnant, sed exiguum quoque amarorem: quamobrem Nicolai Masse testimonium non fuit silentio inuoluendum ex tractatus tertij  
 » capite secundo, vbi hæc leguntur. Et lignum quod plus  
 » habet de substantia intrinseca nigra, est melius; hæc  
 » ibi, paulo veropost, & ad gustum est cum aliquali amaritudi-  
 » ne, sed non manifesta multum. His ergo Massa plane lignum describit, de quo agitur, in quo acrimonia superat amaritudinem, & nigrum habet medullarium, vt iam satis dictum est. intelligimus autem ex hoc eodem Masse loco, lignum hoc nouum non esse, nec nuper ab Indis delatum, nec esse ob exiguam amaritudinem reiiciendum. In curatione vero luis venerea sudor maxime desideratur, cuius prouocandi facultas maxime posita est in acris medicamentis (quæ tamen de leteria non sint) hæc enim incidere, & per halitum digerere, optimus auctor Galenus docuit lib. 4: de medicam. simpl. cap. 19. Quicquid vero dicatur de coloris, saporis, & odoris differentia, de corticis crassitie, duritieq;

ritieque, de ligni densitate, & pinguedine, numquam aliquis efficiet, ligna ante dicta differre inter se, nisi ut ficus à ficu, pirus à piro, nux à nuce differe, & similia.

Iure itaque pronuntiaturum est, lignum propositum esse ligni sancti speciem, immo esse verè lignum sanctum, iuxta vulgarem horum lignorum appellationem, cum omnia promiscue eo nomine vulgo appellantur, relicto tamquam barbaro vocabulo Guaiacan. iureq; tandem probatum est, tamquam ad luem veneream curandam aptissimum. De qua re si cum docili ingenio agatur, iam plus satis dictum est, si cum cerebrosis, durisque capitonibus, numquam satie.



ipſos agros in diſcrimen adducunt. Sunt quidem aliqui pharmacopolę viri boni, & ſuę artis bene periti: ſed fallendi occaſio tam prompta eſt, tamque facilis ad fallendum via, vt non fallere diſcillimum videatur. eoque euenit, vt male apud reliquos mortales pharmacopolę ſemper audiuerint: quamobrem & ars ipſa ſordida habitaffe, & omnino (vt dicitur) mechanica. quod accipere eſt non ex ijs ſolum, quę ſuperius ex Plinio relata ſunt, ſed etiam ex Lampridio in vita Heliogabali, cuius ea ſunt, Pinxit ſe vt cupedinarium, vt Seplaſiarium, vt popinarium, vt tabernarium, vt lenonem, &c. vbi Seplaſia inter ſordidas, immo & infames quaſdam artes cenſeri videtur. ne illud Horatii memorem: Ambulaciarum collegia, pharmacopolę, Mendici, mimi, balatrones.

Ad munus ergo mox pertinet maxime tum ſimplicia, tum compoſita medicamenta cognoscere. Sed qui fuere auctores, qui plantarum, & aliorum ſimplicium hiſtoriam deſcripſerunt, & qui de componendi ratione commentaria ediderunt? ſane ij non pharmacopolę aliqui, ſed philoſophi, ac medici magni nominis, Theophraſtus, Dioſcorides, Galenus, Meſueus, Auicenna, ne minus celebres tam priſcos, quam recentes memoremus. Horum ergo ſtudium imitari medicos omneis oportet, vt ſint ad agrorum ſalutem curandam, & Seplaſiæ fraudes ludendas inſtructiones, & paratiores. Non erit igitur mirum, ſummos olim Pontifices Romanorum medicorum collegio,

& col-




Et collegij principi Protomedico vocato, ius in aromatarios dedisse, vt in primis de illorum peritia cognoscerent, Et iudicarent, Et eorundem tam simplicia, quam composita medicamenta ad examen reuocarent.

**F I N I S.**





MARSILIUS  
CAGNATUS  
VNIVERSITATIS  
AROMATARIORVM VRBIS  
CONSVLIBVS FAELICITATEM.



**E**XORTA olim con-  
trouersia de Ligno San-  
cto vocato; cum visum  
esset ad munus, quod eo  
tempore gerebam, ut de  
ligno eodem aliquid lite-  
ris traderem, impetu quodam animi, et ardore

ne licet suae artis periti, & solertes, in eadem  
 controuersia sibi plus, quam par nobis videretur,  
 assumerent; De pharmacopolarum officio  
 pauca quaedam exaravi, quae impressa, non-  
 dum tamen vulgata (erant enim errata libra-  
 riorum quaedam corrigenda, & non nulla;  
 quae ut meum, sic aliorum animum offendere po-  
 terant, interpretanda) vobis me inscio tradita  
 sunt: At qui in eis quoniam de vestra profes-  
 sione aliquid minus honeste dixisse, & non nihil de  
 eiusdem dignitate viderer detraxisse; de vobis  
 autem professoribus parum honorifica verba fe-  
 cisse; propterea euenit me male apud omnes ve-  
 stra vniuersitatis homines (ut relatum est mihi)  
 audiuisse; Quod si me grauitertulisse dixero, non  
 mentiar; cum nihil minus cogitaui, quinimo  
 persuaferim mihi futurum, ut pro vestra equi-  
 tate ijs, quae malorum dumtaxat pharmacopo-  
 larum occasione dicta sunt, equi boniq. consule-  
 retis. Sed quia rem prater animi mei sententiam  
 cecidisse video; cum hinc mutua potius inter nos  
 offensionis datus videatur inopinatus locus: coactus  
 sum, his breuiter ad vos litteris, meorum ver-  
 borum sensum planum, & explicitum, facere:  
 Sum professus, ac repeto, Republica expedire  
 bonos

bonos esse viros pharmacopolas, ut sint egris parata, & in promptu omnis generis medicamenta; quod munus cum peculiarem quandam desideret exercitationem, Medici visitationibus, & grauioribus quoque studijs districti, explere non possunt; huiusmodi autem pharmacopolas cum alibi reperiri, tum in Urbe potissimum affirmo. Quod si quis ex Plinio dicat, olim male pharmacopolas audiuisse; non est in malam partem accipiendum, quia licet ob fallendi, ut in aliquibus alijs artibus, occasionem, aliquorum fides suspecta esse possit, hoc tamen non efficit, quin vniuersim viri boni sint pharmacopola & quin citra suspicionem illis credere liceat. Nec de eare scriptum est ame ut dignitati, & integritati pharmacopolarum, aut saltem artis quae honesta semper est habita, turpis aliqua nota inureretur, sed ut solum pharmacopolas hortarer ad suum munus cumulatius obeundum. Illud vero, quod acerbius dici visum est, septasiam ab artibus liberalibus semelam inter abiectas, & humiles

Lampridius, seplasiarium, & Horatius, pharmacopolam, cum vidioribus quarundam artium professoribus commemorauerit. Quod si quis interpretaretur hac à me narrata esse, ut tacite significarem me quoque ita sentire; is sciat se vere decipi. Illud quidem probabile mihi videbatur, pharmacopolam grecis (quia vox Græca est,) dictum esse à Latinis seplasiarium: in ea tamen re subscribam libenter, quod viri docti ex veteribus commentarijs indicabunt. Virum verò idem sit seplasiarius a veteribus dictus, quem nos Aromatariorum vocemus: Hoc quoque pluribus non persequar: Dicam solum quamuis idem esse statuatur, tamen ut artes in dies meliorem formam accipiunt, & cumulatius perficiuntur, rem hodie secius multo quam olim se habere, quod & si posset silentio pratermitti tamquam notissimum, dicam tamen ut intelligatur me nihil a communi sensu alienum animo concepisse. Christiani sumus, & Christianis imbuti moribus, ac præceptis, quorum ex præcipuis est, proximi dilectio, qua fidem in primis docet habendam esse. Itaque nos Aromatarijs seu pharmacopolis nostris fidem passim habemus. Seplasiarios autem illos veteres,

quos

quos Horatius, Plinius, & Lampridus fugil-  
 lasse fortasse videntur, cum essent religione ve-  
 ra destituti, & de honestate minime solliciti,  
 uniusque lucro nauarent operam, iure merito su-  
 specta fidei fuisse ab auctoribus indicatum est.  
 Sed & illud profiteor artes etiam, quae inter li-  
 iberales locum non habent, animo libera'i, &  
 ingenuo tractari posse. Nec dubium Aro-  
 matarios nostros honestos esse homines, & ple-  
 rosque Aromatarij professionem non tam for-  
 tuna, vel necessitate, quam voluntate, ut ho-  
 nestam suscepisse; cum interim negare non li-  
 ceat aliud alicui magis honestum. Itaque  
 magni viri, & eius quidem Romani verba  
 sunt, quibus claudere hanc epistolam statui.

- „ Quibus artibus aut prudentia maior in est, aut  
 „ non mediocris utilitas queritur, ut Medicina,  
 „ & Architectura, ut doctrina rerum honesta-  
 „ rum, ha sunt ijs, quorum ordini conueniunt ho-  
 „ nestae, hac M. Cicero de officiis scribens in prio-  
 „ re libro. Scilicet pro cuiusque dignitate aliud  
 „ atque aliud honestius, vel minus honestum



*profiteorque . Hoc verò non tam scribo , ut  
 is obtemperem , quibus non obtemperare eque ne-  
 fas est ac periculosum , quam ut quod ex animo  
 sentio palam faciam . Valete .*

Marfilius Cagnatus manu propria.

F I N I S .



R O M Æ ,

Ex Typografia Guilielmi Facciotti . M. D. C. III.

---

SUPERIORVM PERMISSV.

*Errata sic emendanda.*

Pag. 9. lin. 16. Pharmacopolæ. p. 11. l. 4. expediebant. p. 14. l. 3. Pharmacopolæ.  
p. 14. l. 8. citato. p. 16. l. 24. abundat nam. p. 18. l. 3. lib. p. 22. l. 4. quod. p. 21. l. 21.  
camælorum. p. 22. l. 26. perdicum. p. 24. l. 21. erat. p. 24. l. 25. quod. p. 31. l. 7.  
introyre. p. 36. l. 2. villioribus.

# THE HISTORY OF THE

PROGRESS OF THE ART OF PRINTING  
FROM THE FIRST BEGINNINGS TO THE PRESENT  
TIME. IN TWO VOLUMES.  
BY JOHN WELLS, ESQ.

